

佛說羅摩伽經卷上

西秦沙門聖堅譯

老

如是我聞一時佛在舍衛國祇樹給
孤獨園莊嚴重閣善勝講堂與菩薩
摩訶薩普賢菩薩文殊師利菩薩等
其名曰光明幢菩薩須彌山幢菩薩
寶幢菩薩無尋幢菩薩花幢菩薩淨
幢菩薩日光幢菩薩靜正幢菩薩離
塵幢菩薩世靜幢菩薩地威德幢菩
薩寶威德菩薩大威德菩薩金剛智
威德菩薩淨威德菩薩法日威德菩
薩功德山威德菩薩智炎威德菩薩
普現勝威德菩薩持地藏菩薩虛空
藏菩薩蓮華藏菩薩寶藏菩薩日藏
菩薩功德淨藏菩薩法印藏菩薩世
淨藏菩薩不憍慢菩薩蓮華勝藏菩
薩善淨眼菩薩清淨眼菩薩淨眼藏
菩薩無著眼菩薩普集眼菩薩善觀
眼菩薩優鉢羅華眼菩薩金剛眼菩
薩寶眼菩薩虛空眼菩薩善眼菩薩
普眼菩薩天冠菩薩法界炎智天冠
菩薩道場天冠菩薩栴檀光天冠菩

○佛說羅摩伽經

羅摩伽經卷上 第三卷

薩佛藏天冠菩薩山勇天冠菩薩世
淨天冠菩薩威儀天冠菩薩無能勝
菩薩諸佛師子座覆觀菩薩普法界
虛空光觀菩薩梵勝菩薩龍勝菩薩
苦薩佛變化炎驪菩薩一切願海摩
丘驪菩薩如來圓光珠驪菩薩虛空
掌珠報驪菩薩如來遊戲珠王網驪
菩薩如來法輪香驪菩薩一切三世
香驪菩薩大光菩薩離垢光菩薩寶
光菩薩離塵光菩薩炎光菩薩法光
菩薩寂光菩薩日光菩薩遊戲光菩
薩天光菩薩功德相光菩薩智相炎
菩薩法相炎菩薩神通炎相菩薩光
炎相菩薩華相炎菩薩珠相炎菩薩
菩提炎相菩薩梵相炎菩薩普光炎
相菩薩梵音菩薩海音菩薩辯才音
菩薩世王音菩薩山相擊音菩薩一
切法界普音菩薩一切法海雷音菩
薩調伏魔界音菩薩大悲雲雷音菩
薩一切世間寂音菩薩法勇慧菩薩
智勇菩薩功德須彌勇菩薩功德牙
勇菩薩稱勇菩薩普炎勇菩薩大慈
勇菩薩智海勇菩薩如來種性勇菩

老

羅摩伽經卷上 第三卷

老

薩光勝菩薩妙勝菩薩勇勝菩薩世
淨勝菩薩法勝菩薩月勝菩薩虛空
勝菩薩寶勝菩薩星勝菩薩智勝菩
薩樹王印勝菩薩法王印菩薩世王
印菩薩梵王印菩薩山王印菩薩珠
王印菩薩龍王印菩薩寂王印菩薩
不動王印菩薩仙人賢力王印菩薩
勝王印菩薩寂香菩薩無極香菩薩
地香音菩薩海雷香音菩薩法艷香
音菩薩虛空香音菩薩衆生功德香
音菩薩衆生善報香音菩薩魔界香
音菩薩智山光菩薩虛空意菩薩淨
意菩薩無著意菩薩覺悟意菩薩三
世炎意菩薩光意菩薩普明意菩薩
法界炎意菩薩如是等菩薩摩訶薩
五百人俱行同普賢志皆具足無著
境界普現十方無量佛土身量無極
遍諸佛前又修無尋淨眼境所心无
休息普集一切諸佛功德決定明了
於菩提道普集無量光明深入一切
法智海常行无著無所受心得大慧
身滿足无量無數劫四辯無窮盡智
慧如虛空無依无所著隨衆生所樂

羅摩伽經卷上 第五段 光

如意現色身淨眼無垢障如日處空中於一切法界光明悉充滿復有五百聲聞久已通達四諦明了本際深入法性離生死海隨順如來聖弟子衆於諸有結心得解脫於佛法海元有疑惑復與無數諸天王俱又於先佛植衆德本普為衆生作不請之友又受心戒具諸功德普勝天人而無高心不捨煩惱皆已盡心智解脫如虛空於佛法中無有疑深入諸佛智慧海隨順如來諸聖威儀承佛教誡成就衆生護佛法種使不斷絕緣此善根常生佛家深樂種種智真寶法門今時諸菩薩聲聞大衆諸天魔梵及諸神仙各與眷屬恭敬圍遶咸作是念念如來行念佛境界念佛自在神通變化念如來持念如來力念如來无畏念如來住念如來三昧念如如來勝妙功德念如來身念如來智元有崖底一切天人不能測量無能分別無能開現无能知見無能宣明亦元有能如實解說除佛持力佛自在力佛智慧力佛辯才力佛威神力佛

羅摩伽經卷上 第五段 光

三昧力佛神通力佛本願力過去善根力親近善知識力清淨信心力住方便力樂求清淨勝妙善根力正直菩提深心力一切智願力是故世尊知識衆生種種欲種種信種種解而心無二以元著聲譽喜一切知道者說道者善說諸地種種行種種根種種人種種信種種解種種思及知一切智人境界各各思惟如來功德威願宣說如來昔為菩薩時行願善業先所修習一切智願勝波羅蜜示現菩薩諸地神通莊嚴方便衆妙音響莊嚴菩薩行出生滿足海莊嚴菩薩菩提門示現菩薩自在道出生菩薩莊嚴海莊嚴如來遊戲神通莊嚴如來自在法輪莊嚴如來刹海莊嚴如來普現十方調伏衆生而不現身心住諸如來正法之城超勝功德普廣示現一切諸道如來法王為一切衆生示現諸趣明淨普照神通自在力如來為一切衆生寂上福田如來為一切衆生說功德變觀三輪化度一切群生唯願如來悲愍一切具足顯現

羅摩伽經卷上 第六段 光

今時世尊知諸菩薩心之所念以大悲身大悲門大悲心大悲本願力隨順大悲廣大如法性究竟如虛空入師子王宮迎三昧為令一切衆生樂清淨法入三昧已時祇陀林重閣講堂忽然光麗廣博嚴淨梵天金剛莊嚴其地珎奇間錯衆寶嚴飾而如意珠及諸名華時彼林中表裏映徹有琉璃樹枝條華果皆衆寶成雜色光明迴旋其間樂見珠王以為羅網間浮檀金及衆校飾間無空缺彌覆其上又以名珎莊嚴樓閣普光摩尼為明珠柱脩直光色照徹園林金戶珠簾寶鈿欄楯四出墜道衆寶所成摩尼寶王化珎妙花於其塲端放真珠光列植階簷簷羅廡軒陛幢幡繒蓋滿虛空界於窓牖前寶樹化生猶娑羅林自然行列果如寶鈴發衆妙音於樹根下出琉璃水香淨柔軟流遍祇洹佛神力故本願力故十方世界微塵數不可思議阿僧祇清淨佛刹无量無數諸供養具皆悉普現於祇陀林復有功德香河迴流淨國無量寶

華隨流化生不可窮盡華水有聲皆說菩薩報應之行華樹數榮出香雲蓋諸香蓋中有不可思議諸樓閣雲有阿僧祇不可思議華鬘璎珞皆忘垂下阿僧祇寶摩尼珠三自然涌出柔軟衣服及諸寶幢香烟幢蓋皆忘充滿復有無數諸寶華雲旋轉空中一切幢幡及諸華蓋寶鈴幢出妙音聲演說一切諸佛名号顯現清淨法輪之相復有師子如意珠王以音聲海普演諸佛本願海門一切法界寶王摩尼法相光明以為莊嚴時毗陀林上虛空之中有不可思議阿僧祇等諸香樹雲如是種種諸供養具及諸佛刹諸莊嚴事元量無過不可具說今時善財童子從東方界來善知識漸漸遊行至南方界轉至西方遇見善勝長者宿願摩竭城意欲向漸涉道路思惟正受係念在前元分散意住正定聚雖在道路愛樂正法無悔恨心不退境界勇猛精進不畏嶮路念善知識修正覺道為得安隱道故身心元盡在於中道作如是念我當云何得

勝境界我今云何當速詣善知識問菩薩道修善行於善知識作佛道因緣得諸波羅蜜普攝一切離諸障身入無著法界普為一切眾生斷眾惡道業為除我人眾生壽命之心滅除一切煩惱諸塵破滅一切諸見羅網成就善業以慈悲心射護法處成就因果何以故若得值見善知識者必得成就諸善功德善知識者能為一切智作大根本身心正受顏色不變求善知識威儀庠序無平暴相漸漸行至靈頭摩竭城見善勝長者在於彼城重閣講堂即前詣已如人遊海水中不見邊際百千萬億諸大長者以為圍遶皆悲歡喜在於善勝長者左右各欲樂聞種種諸法如海導師為諸商人說海寶慶善勝長者善能分別佛法海寶為一切眾說無所著元所分別今時善財童子頭面敬禮白言大聖我已久發阿耨多羅三藐三菩提心但不知云何行菩薩道修善行善勝長者告善財言善哉善哉善男子汝已能發菩提之心善能

問於大智慧實為得如是甚深法義為斷一切疑惑苦惱種子汝今問我為到一切智岸以不破壞心正向大乘今離一切聲聞辟支佛地怖畏正趣佛道修諸三昧寂靜法門善修一切諸菩薩行願遊戲神通轉不退輪淨諸業道速疾迴向一切智心於菩薩行如實修行為菩薩道故未問我行此行者普見十方無有障尋善知一切智海對治門莊嚴一切菩薩行故來問我善男子我在此海岸屈頭摩竭重閣講堂晝夜常說大慈大悲菩薩淨行法門善男子我於此閻浮提見諸貧苦眾生必欲饒益然後為說甚深空義隨彼所願令得滿足或以飲食而攝取之或以法財而攝取之或以功德業而攝取之或以智慧而攝取之或以善根正直業而攝取之應以菩薩根而攝取者即以菩薩根而攝取之應發菩薩心攝取者即以菩薩心而攝取之若應以除去疑惑發菩提心者即以除疑惑法而攝取之若應以喜悅發菩薩心者即以喜

摩訶般若經卷上 第二張 光

悅法而攝取之若應以大悲發菩薩心者即以大悲而攝取之若有應以除生老病死憂悲苦惱無常定法發菩薩心者即以苦空无常法而攝取之若有衆生應以住生死海心無疲倦即同住生死海而攝取之若有應以四攝法發菩薩心者即以四攝法而攝取之若應以一切智慧功德海發菩薩心者即以功德智慧海隨順法而攝取之若有應以一切三世諸佛正法海對治門發菩薩心者即以三世諸佛正法海而攝取之善男子我以如是等諸攝取法為饒益衆生故令一切衆生得法利樂故在海此岸善男子我住於此岸普知一切海中珍寶及所出處根原種性及價貴賤清明之相識寶光明善能分別善知一切工巧伎術善知一切諸龍龍王龍子宮殿差別亦能善除諸龍闔諍怖畏惡相又復善知一切諸羅刹王宮殿村落亦能善除羅刹闔諍及與怖畏又復善知一切魑魅魍魎諸惡鬼神所住之處亦能除滅一切海

羅摩伽經卷上 第二張 光

水洳波諸難并知水色泉源衆流善能曉知日月星辰一切災異變怪之事晝夜瞻相無一念頃失於常度了分明无分毫差善知一切書疏算數射取隨時能用善知一切衆相於剎鄰頃變怪不停或合或離善知籌量世間衆事善男子汝今當知我以知此一切衆生十明法門安止清淨住無畏岸令彼彼衆生皆得安隱恒以正法而撫慰之若閻浮提有諸商估賈客欲往大海求珍寶者稱我名故大獲珍寶安隱吉還若有衆生得聞我名者身心諸垢及以衣垢永得消除何況煩惱若有衆生眼視我者常得清淨无上法喜聞法無歇身心悅樂以此法樂普為一切閻浮提內諸苦衆生雨大法雨令得悅樂若有衆生聞我說法必得安隱度生死海免諸怖畏必得安立一切智海永離渴愛無復憂患恒住三世明解脫海善男子汝今當知我能當入一切衆生心心數行海中令彼衆生修淨土業普知一切十方淨國海隨意往生得

摩訶般若經卷上 第三張 光

無學業復能莊嚴一切淨業根海普能清淨一切諸衆生行海令住安樂寂靜大安眠海善男子我以知此大慈悲喜捨對治滅相擊音聲菩薩喜幢法門諸大菩薩成就元量諸功德智慧海善能分別一切世界行海斷除一切煩惱業海成就一切諸法界海普攝一切諸衆生及世界海普入一切勝智慧海終不捨一切衆生海其心如地善能隨順一切衆生海普能教化一切衆生海善隨一切衆生威儀海諸大菩薩深行如是我當云何能知能說彼功德行時善財童子頭面作禮遶百千匝辭退西行善勝讚言善哉善哉善男子汝今應當正念思惟三昧正受汝從此去漸漸西行向名聞城去彼城已有國名難忍城名迦陵提去此不遠有功德林於其林中有比丘名師子奮迅身紫金色端嚴第一汝可詣彼問菩薩行問菩薩戒問諸法門余時善財童子遶巡辭退漸漸遊行至功德林日光泉側見彼比丘居端坐

正受有五百童子形貌端正以為侍者復有五百童子衛護眾女百千天女衛立左右

今時日光泉側有一園林名曰王園入彼園中見一大樹名曰月光普放光明照百由旬莊嚴園林化成重閣七寶嚴飾上有光明復見大樹名普光明枝葉扶疎遍覆三千大千世界其形如蓋流出眾水有清淨光復見寶林名曰花藏高顯無極其花開敷如天樹王有妙光明如天宮殿其色鮮白猶如雪山復見大樹名曰美味金花金果柔軟香美甚適眾心復見一樹名世淨光其色光明無量无边梅檀摩厘以為樹果有阿僧祇諸雜珠網羅覆樹上像天宮殿復見一樹名曰天衣常出無量阿僧祇數眾寶色衣復見諸樹名曰音樂互相振觸聲踰梵音復見眾林名普香莊嚴其香普熏無有障導於園林中復見泉池七寶光網彌覆其上其池四方有四渠流分為八支更相灌注八功德水湛然盈滿牛頭栴檀末為底泥眾寶

莊嚴黃金為沙激此香水聲如天樂悅可眾心又以眾寶而為欄楯於池岸上布以金沙常放種種雜色光明優鉢羅花鉢曇摩花拘勿頭花分陀利花數榮水上有眾寶樹行列嚴飾園遶池側一一樹下各敷無量寶師子座無量天衣眾妙珍奇以為嚴飾燒無價香熏師子座眾香繒帳白淨鮮明寶網覆上垂眾金鈴出和妙音復有無量眾寶床帳園遶高座一一樹下亦復如是於諸樹間復有無量蓮花寶藏師子座又於樹間有眾香藏座又於樹間有種種香雲藏座又於樹間有師子寶聚藏座又於樹間有一切世間普光摩厘清淨藏座又於樹間有樂見師子寶藏之座无量妙香以為敷具此諸寶座一一皆有無量百千諸小牀座以為園遶一一小座以无量寶而為莊嚴一座上有無量寶珠充滿一切如大寶洲一座上有勝光明普照王園及日光林於光明中雨天寶衣及雜寶珠柔軟可愛以布其地譬如大海志具眾

寶此日光泉栴檀香水灑則沒蹀隨足旋轉舉足還復本相如故於其池中有眾色鳥鳬鴈鴛鴦鸞鳳孔雀各自顧影雅音相和飛翔空中集栴檀林此王園林日光泉水出生無盡清淨雜花有無價香散眾花間起過帝釋喜見林池寶樹寶鈴枝葉花果不鼓自鳴出妙音聲有諸天女端正殊妙如自在天后此王園林倍更明顯勝諸天宮此諸天女鼓樂絃歌聲遍王園充悅一切天劫波鐘衣被樹枝間於林四邊有四天王一切皆是大權菩薩領四種兵以為衛衛種種樓閣天繒花蓋及諸殿堂亦有兵眾而衛護之此園莊嚴猶如帝釋照明寶林歡喜之園普皆嚴淨視之無獸出過三界人天果報大梵善淨莊嚴講堂不得為比無量梵王清淨報明眼所不能見此功德林及日光泉假使和合百千梵宮所不能及殊妙莊嚴不可具說

今時善財童子見此園林種種光明微妙嚴飾悉是菩薩本業淨行如實

【新加經卷上 第十六】

功德善根願力之所成就超絕世間三界果報於不可思議阿僧祇劫諸如來所植衆德本不著世間遠離端食猶如幻師見衆色像廣修淨業无著勝行不可破壞所謂師子奮迅比丘丘曉了諸法性相如幻本修功德長養善根成熟五力而無所著此王園林廣博嚴淨普容一切三千大千世界天龍夜叉乾闥婆阿修羅緊那羅迦樓羅摩睺羅伽人非人等一切悉集入此王園而不迫迕何以故皆是師子奮迅比丘丘威神力故不可思議神通變化皆從菩薩本願海生尔時善財童子普見一切諸寶樹下師子之座一座上有比丘丘名師子奮迅端嚴勝妙威儀庠序其心善寂調伏諸根如大龍鳥如如意珠普適衆願心無所著猶如蓮花如師子王威伏衆獸安住不動无相戒故其心清淨消除煩惱猶如香王滅除臭穢如大藥王諸藥莊嚴滅除衆病如良藥王善心見者能除衆病不善見者反成毒害菩薩摩訶薩亦復如

【新加經卷上 第十七】

是為有緣無緣者說微妙法有緣者見我形聞我聲即得无導陀羅尼無緣衆生更增惡行無記衆生即得善心如波樓那天莊嚴微妙普施世間一切清淨長養善根如良福田又見此座種種大衆或見淨居天眷屬園遶又見摩醯首羅天眷屬園遶是諸天衆一心諦觀彼比丘丘目不暫捨時比丘丘即為淨居天衆及摩醯首羅天等說无盡法門無受法行又見此座欲樂天子眷屬園遶一心瞻仰觀比丘丘目不暫捨時比丘丘為欲天衆說善明音聲名問清淨法門又見此座自在天王天子天女眷屬園遶一心諦觀彼比丘丘目不暫捨時比丘丘為自在天衆說菩薩名字自在清淨法門又見此座化樂天王天子天女眷屬園遶一心諦觀彼比丘丘目不暫捨時比丘丘為夜摩天衆說一切法清淨莊嚴法門又見此座兜率天王天子天女眷屬園遶一心諦觀彼比丘丘目不暫捨時比丘丘為兜率天衆說安樂心藏旋復自在

【新加經卷上 第十八】

無導陀羅尼法門又見此座夜摩天王眷屬園遶一心諦觀彼比丘丘目不暫捨時比丘丘為夜摩天衆說出生無量清淨勝妙莊嚴法門又見此座擇提桓因眷屬園遶一心諦觀彼比丘丘目不暫捨時比丘丘為擇天衆說不淨忍厭離無常苦空无我法門又見此座解空婆伽羅龍王與十光明龍王等眷屬園遶難陀龍王跋難陀龍王等眷屬園遶摩那斯龍王伊那槃那龍王阿菟婆達多龍王等各與龍子龍女眷屬園遶一心諦觀彼比丘丘目不暫捨時比丘丘為諸龍王說一切救護善巧方便法門又見此座提頭賴吒天王領乾闥婆等男女大小眷屬園遶一心諦觀彼比丘丘目不暫捨時比丘丘為說歡喜無盡法門又見此座摩睺羅伽阿修羅王眷屬園遶一心諦觀彼比丘丘目不暫捨時比丘丘為說法界莊嚴明惠速疾法門又見此座大天勢力迦樓羅王男女大小眷屬園遶一心諦觀彼比丘丘目不暫捨時比丘丘

為說度生死海無所畏法門又見此座善音緊鄰羅王男女大小眷屬圍遶一心諦觀彼比丘目不暫捨時比丘目為說佛本行清淨無著法門又見此座金角雲結摩睺羅伽王男女大小眷屬圍遶一心諦觀彼比丘目不暫捨時比丘目為說諸佛歡喜普集法門又見此座無量男女童男童女眷屬圍遶一心諦觀彼比丘目不暫捨時比丘目為說無勝法門又見此座常食衆生精氣羅刹王等眷屬圍遶一心諦觀彼比丘目不暫捨時比丘目為說普慈悲觀法門又見此座出家聲聞一切皆集俱來會坐時比丘目為說智慧光明勝法門又見此座出家樂緣覺者俱來會坐時比丘目為說淨明佛功德法門又見出家樂大乘者眷屬圍遶俱來會坐時比丘目為說普門智慧光明三昧法門又見此座初發心菩薩眷屬圍遶一心諦觀彼比丘目不暫捨時比丘目為說一切諸佛大願聚法門又見此座二地菩薩眷屬圍

遶一心諦觀彼比丘目不暫捨時比丘目為說虛空明淨羅摩伽三昧法門又見此座三地菩薩眷屬圍遶一心諦觀彼比丘目不暫捨時比丘目為說莊嚴寂靜法門又見此座四地菩薩眷屬圍遶一心諦觀彼比丘目不暫捨時比丘目為說一切種智勢力境界法門又見此座五地菩薩眷屬圍遶一心諦觀彼比丘目不暫捨時比丘目為說普集淨花藏法門又見此座六地菩薩眷屬圍遶一心諦觀彼比丘目不暫捨時比丘目為說出世清淨藏法門又見此座七地菩薩眷屬圍遶一心諦觀彼比丘目不暫捨時比丘目為說普依止清淨地藏法門又見此座八地菩薩眷屬圍遶一心諦觀彼比丘目不暫捨時比丘目為說法界毗羅摩伽普遍法身化現一切虛空境界法門又見此座九地菩薩眷屬圍遶一心諦觀彼比丘目不暫捨時比丘目為說無尋无著清淨力莊嚴法門又見此座十地菩薩眷屬圍遶

一心諦觀彼比丘目不暫捨時比丘目為說圓滿無障導淨名三昧法門又見此座金剛力士眷屬圍遶一心諦觀彼比丘目不暫捨時比丘目為說智慧莊嚴鄰羅延金剛相三昧法門如是等一切大衆一切衆生一切諸趣所應受化者一切眷屬種種善根者隨諸衆生種種欲種種行種種道樂聞多法者為長養善根故為增長善根故莊嚴善根故隨其所應開示顯說阿耨多羅三藐三菩提轉不退轉法輪令諸衆生得不退輪何以故此皆是師子奮迅比丘目成就諸佛智慧光明捨離法門成就一切法門此比丘目成就无著無導清淨秘藏法門成就圓滿不可思議淨藏法門成就清淨普喜見藏法門成就十萬億不可數般若波羅蜜成就普眼般若波羅蜜成就一切佛法法界不可壞般若波羅蜜此王園林日光泉側一切大衆菩薩摩訶薩等一切皆悉之植善根緣此比丘目說法教

羅摩伽經卷上 第三張 光
化乃至阿耨多羅三藐三菩提其心
善寂得不退轉

尔時善財童子見師子奮迅比丘居
久已成就如等普門法門普現色
身而自在嚴令王園林日光泉水及
諸寶樹眾師子座皆現希有奇特之
事所有園林經行禪窟及諸所須寶
物林帳見諸大眾一切眷屬悉坐其
中功德神力皆悉具足八種音聲說
衆妙法尔時善財童子見此不可思
議諸奇特事及聞微妙八種音聲復
聞不可思議清淨妙音宣揚讚歎无
量法空法門以此法門潤澤身心皆
令柔軟此名正法對治無比法門得
此法門已身心歡喜豁然大悟成就
一切諸大法門恭敬合掌遶百千匝
即前作礼未舉頭頃見比丘居遍處
一切師子寶座放大光明金色赫奕
照王園林及諸樹木猶如光雲此光
明力令諸樹木皆悉右旋遶無數匝
此諸樹不行行相次皆放光明照比
丘居
尔時善財童子觀此相已合掌而立

羅摩伽經卷上 第三張 光
恭敬却行住於一面白言大聖我已
先發阿耨多羅三藐三菩提心唯願
大聖慈悲憐愍為我宣說我今不知
云何學菩薩行修菩薩道唯願大聖
為我解說時比丘居答善財言善哉
善哉善男子我今知此一切種智普
能開現无底法門善財童子白言大
聖一切種智無底法門體性云何時
比丘居答善財言善男子此是三
大聖智慧光明莊嚴法門善財童子
白言大聖三世諸佛智慧光明莊嚴
法門境界云何答言善男子入此法
門者得深入現前分別正受一切諸
法不生不滅平等法林莊嚴三昧住
此三昧者即得如意自在神通此閻
浮提示現處兜率天十方無量微塵
世界處兜率天亦復如是於彼彼處
二佛所示現無量無數之身從於
自身出无量無數微塵等佛刹海摩
訶摩身恭敬礼拜修諸福業又實無
量无数不可說不可說微塵數雜色
花雲不可說不可說雜色瓔珞雲不
可說不可說雜色寶鬘雲不可說不

羅摩伽經卷上 第三張 光
可說雜色塗香末香雲不可說不可
說雜色繒蓋幢幡雲不可說不可說
雜色寶網寶帳雲不可說不可說雜
色寶座雲一一座前有不可說不可
說燈光炎莊嚴雲一一燈光有眾寶
珠而莊嚴之乃至不可說不可說一
切雜色莊嚴具雲供養如來又實不
可說不可說雜色香水雲從香水雲
中出不可說不可說雜寶蓮花雲從
雜寶蓮花雲出不可說不可說天瓔
珞莊嚴雲諸寶光明莊嚴具乃至阿
迦盧吒一切諸天供養具雲又從香
水出不可說不可說轉輪聖王及諸
小王一切世間諸供養具雲又從香
水出不可說不可說龍神八部乃至一
切不可說不可說供養具雲供養如
來遍一切處一切諸菩薩處兜率天
化樂白鳥降神母胎初生王官捨家
學道詣菩提樹成等正覺轉淨法輪
昇初利天為母說法天上人中變現
自在乃至涅槃於諸佛所植眾德本
以此本願因緣力故示現摩訶摩色
身遍一切處供養諸佛諸供養具亦

復如是如是種種諸供養具皆緣之
修大願莊嚴法界力生若有衆生知
我所修如是供養者皆於阿耨多羅
三藐三菩提得不退轉若有衆生來
至我所我即為說摩訶般若波羅蜜
示教利喜善男子汝今當知我常不
起衆生相不著衆生相衆生元相故
知一切語言音聲而不著音聲音聲
無性相故見一切佛光明相好而不
著相好何以故深知法身无色相故
受持一切諸佛法輪而亦不著法輪
之相深心解了諸法真如實際法性
相故於念念中充滿普遍虛空法界
而亦不著法界相善能了知一切諸
法如幻化相故善男子我唯知此一
切種智善能開現無底菩薩法門善
男子汝今當知諸大菩薩究竟法界
一切菩薩境界无著能以一身結加
趺坐充滿十方一切世界於自身內
悉能示現一切十方諸佛刹土妙莊
嚴事於剎那剎那頃遍十方礼事
諸佛於自身內普能示現一切諸佛
神通變化願力能以一毛遍縛十方

諸須弥山舉置他方無量世界於一
一毛孔普現十方一切世界劫成壞
相於一剎那頃普於十方不可說不
可說劫攝受衆生終不捨離諸大菩
薩摩訶薩具足一切深智海行我當
云何能知能說彼功德願善男子汝
從此南行有國名嶺難城名寶莊嚴
於彼城中有一女人名婆須蜜多汝
詣彼問云何菩薩學菩薩行修菩
薩道

尔時善財童子頭面敬礼師子奮迅
比丘尼足瞻仰諦觀歸還南行善財
童子得大慧光以照其心具足長養
一切善根欲以教化諸衆生故一心
思惟諸法實相建立一切清淨法水
語言陀羅尼藏廣修受持一切法輪
陀羅尼成就思惟力為衆生歸依大
悲一切世間之力方便觀察一切種
智充滿法界速疾思惟一切淨法願
普觀察光明法門莊嚴十方諸通明
力皆悉充滿一切法界究竟成滿諸
菩薩行諸善業滿足願力具諸神
通漸漸遊行至嶺難國寶莊嚴城推

問尊者婆須蜜多女今在何所其城
中人作如是念我不聞此女有深智
慧善攝諸根身心寂靜今此童子威
儀庠序其心恬泊調伏諸根遠離放
逸顛倒惑亂念慧現前視瞻詳審言
音和雅不著形色正念思惟甚深法
相遠離憊倦心如大海此非染欲顛
倒之人無情欲想不沒欲泥不隨諸
根超出魔界不為一切諸魔所縛如
此童子具諸功德何故為色問此女
為今此城中多有諸人乃至不聞此
女人名何況識者有一人言善哉善
哉善男子汝於今者必獲大利乃能
問此尊者婆須蜜多如汝問意必已
先發阿耨多羅三藐三菩提心決定
為於一切衆生必能永離姪惡癡新
不壞淨想不著不淨普解一切諸縛
著者有善男子今此尊者婆須蜜多
在此城北歡喜園中莊嚴樓閣止於
其中尔時善財童子聞此語已歡喜
踊躍往詣其所住於門側叉手合掌
瞻察園內見彼宮宅廣博嚴淨十種
寶牆周匝遠列殖十行寶多羅樹

華嚴經卷上 第三十九

十重寶樹其水清深具八功德盈滿其中優鉢羅花鉢頭摩花拘勿頭花分陀利花開敷鮮榮芬覆水上底布金沙寶岸嚴麗雜色光明充遍園林寶殿樓閣清淨莊嚴綺窓香風怡悅衆心連錢半月投飭羅網金剛力士瞋目奮杵衆寶師子震尾哮吼壯士獸王列侍門側宮城四角有明珠柱衆寶觀閣放種種光雨寶珠花積至于勝淨琉璃地如懸虛空有如意珠王映於地下紫磨金渠流香色水黃金蓮花敷榮其上從蓮花臺涌妙聲水演散法音流聞十方金色芭蕉放大光明處處積寶猶如山巖沆水香雲迴旋宛轉塗香末香遍薫宮城異類衆鳥出和雅音張大寶帳垂衆金花摩尼寶鈴衆寶廟閭浮檀金以為羅網弥覆官牆燒百千万億無價寶香香煙芬馥充滿虛空无量諸天列侍供養諸天妓樂不鼓自鳴衆吉祥瓶盛如意珠從地踊出又雨無量天寶花雲无量天寶香雲無量幢幡寶蓋雲無量天衣瓔珞雲無量妓樂

華嚴經卷上 第三十九

天音聲雲如是種種供養具雲一一皆放無量色光弥覆虛空照十方界无量万億金剛寶藏盈滿宮中一一寶園雕文刻鏤光光相照映徹無尋復有無量十種寶園以為園遠玲妙莊嚴清淨无極尊者婆須蜜多端正微妙色如花敷相好具足身真金色不長不短不肥不瘦目瞳紺色如青蓮花鬚髮柔潤其色紺豔威儀齊整進止庠序手足鮮澤千輻輪相六欲天后不得為比聲踰梵音志解衆語善知世間工巧伎藝深達一切諸論根本及論議相皆志究盡善知字義善辯正智善巧方便如幻境界善知菩薩方便法門善知菩薩方便法界具諸相好瓔珞嚴身摩尼寶冠放大光明心王明珠以為花鬘本願眷屬皆志圓達功德成滿不可沮壞具足无盡功德寶藏身出光明普照一切饒益光柔軟光悅樂光開心光莊嚴菩薩心道之光以此光明嚴飭一切衆生之心遇斯光者得離五欲拔衆苦根

華嚴經卷上 第三十九

今時善財童子詣尊者婆須蜜多所又手合掌白言大聖我已先發阿耨多羅三藐三菩提心而未知云何學菩薩行修菩薩道者言善男子我唯知此一億離欲無垢具足莊嚴菩薩法門善男子若天見我遍一切處天光瓔珞以自嚴飾為天女形若人見我我以上妙色清淨慈心而自莊嚴為童女形非人見我我現非人女形端正殊妙遍非人處若有衆生來至我所起婬怒癡無有是處唯得菩薩無受正法恒為衆生說清淨解脫離苦法門聞我名者得歇離觀速得成就功德三昧身心寂靜无有障罣見我形者即得歡喜三昧聞我聲者即得無量聲藏三昧聞我名者即得歸依佛法僧寶即得諸佛剎普現色三昧若有衆生與我同止者即得解脫光三昧若有衆生諦觀我者即得寂靜莊嚴三昧若有見我頻申欠呿者得壞散外道三昧若有衆生觀察我者得一切諸佛境界光明三昧若有衆生與我言者即得守護攝受一切

衆生藏三昧若有衆生為我搔痒者
 即得一切德集花藏三昧若有衆生
 親近我者即得一億無染離欲莊嚴
 菩薩無著无極明淨一切智境界法
 門善財童子白言大聖昔於何所修
 何功德種何善根有何等業得此法
 門答言善男子過去有佛号无染著
 行如來應供正遍知明行足善逝世
 間解无上士調御丈夫天人師佛世尊
 余時無染著行如來出興于世為最
 慈饒益一切衆生故向普賢城始至
 界上當舉足時國土城邑六種震動
 下足之時丘墟坑坎皆自夷平空中
 清明自然嚴淨余時世尊足蹈門閭
 即時大地復更震動凡礫墻壁化成
 七寶散雜寶花列住空中羅覆宮城
 百千万億諸天樂器衆寶校飾懸在
 虛空不鼓自鳴無量諸天各與宮殿
 列侍空中頂礼佛足雨諸天花以供
 養佛佛入城時放金色光猶如金山
 我於今時生彼城中為長者妻亦名
 婆須蜜多見佛色身相好光明神通
 具足即開發我宿世善根我於余時

與夫長者疾詣佛所即脫所著无價
 寶珠以散佛上所散寶珠悉住虛空
 接足作礼
 余時文殊師利童子為佛侍者時文
 殊師利即告我言善女人汝可速發
 無上道心我於余時始發菩薩无上
 道心婆須蜜多告善財言我唯得此
 一億無染離欲莊嚴无著法門諸大
 菩薩智慧方便化度衆生大海深廣
 三昧法門大智慧力不可壞伏境界
 我當云何能知能說彼功德行善男
 子汝從此南行彼有大城名曰善寂
 城中長者名曰不橋高貴德王彼大
 長者晝夜六時恒常供養栴檀寶塔
 汝詣彼問云何菩薩學菩薩行修菩
 薩道時善財童子頭面敬礼彼女人
 足躋退南行漸漸遊步至彼大城到
 長者所自言大聖我已先發阿耨多
 羅三藐三菩提心而未知云何學菩
 薩行修菩薩道長者答言我唯成就
 不滅度實際菩薩法門住此法門我
 今審知諸佛如來不般涅槃不入滅
 度三世如來永不涅槃无涅槃相除

佛方便為度虛偽衆生故示現涅槃
 欲令舍利廣流布故普令一切得入
 律行善男子若人能知如來畢竟不
 般涅槃者是人能開栴檀寶塔善男
 子汝今可往礼拜供養善財童子即
 至塔所頭面敬礼開栴檀塔開塔戶
 時念念相續得无盡佛性圓光明淨
 无盡三昧法門善男子我心於剎那
 剎那頃常入正受於正受中得無量
 無數圓光明淨三昧於念念頃入勝
 進地善財童子白言大聖此法門者
 境界云何答言善男子我入此三昧
 時普入一切三昧道門三昧力故得
 見十方無量諸佛迦葉如來應供正
 遍知十方无量各恒河沙微塵數世
 界海同名迦葉如來等拘那含牟尼
 佛及十方無量恒河沙微塵數世界
 海同名拘那含牟尼佛等尸棄如來
 及十方无量恒河沙微塵數世界海
 同名尸棄如來等毗婆尸如來及十
 方無量恒河沙微塵數世界海同名
 毗婆尸如來等提舍如來及十方无
 量恒河沙微塵數世界海同名提舍

摩訶般若經卷上 第三十五

如來等弗沙如來及十方無量恒河沙微塵數世界海同名弗沙如來等無上勝佛及十方無量恒河沙微塵數世界海同名無上勝佛等無上蓮花佛及十方無量恒河沙微塵數世界海同名無上蓮花佛等如是无量諸佛行行相次不相障導一如來面白毫相中映現一切十方無量一切諸佛十方一切無量諸佛白毫相中映現一佛一切諸佛毛孔光明更相映現亦復如是坐栴檀塔我於剎那頃皆悉親見諸佛世尊心心相續間無空缺亦於剎那頃得見閻浮提微塵數復見百千萬億閻浮提微塵數乃至十方恒河沙不可說不可說世界微塵數諸佛復過是數得見無量无边微塵數諸佛乃至得見不可說微塵數世界海諸佛又見諸佛從初發心遊戲神通無尋自在亦見一切大願清淨妙行成就分別功德不二法門亦見滿願波羅蜜清淨波羅蜜成就次第一切菩薩諸地得普忍清淨遊戲神通長養善根降伏四魔成就

摩訶般若經卷上 第三十六

衆生嚴淨佛土成菩提道轉妙法輪放大光明是諸大衆悉觀此相心心相續間無空缺時高貴德王菩薩告善財童子善男子汝今見此栴檀塔中無量淨明圓光明淨神通莊嚴諸如來不悉皆同入毗羅摩伽三昧神通法輪不二法門不諸佛如來以此明淨不二法門神通力故遍一切處轉妙法輪以明淨鏡身充滿法界亦時善財童子白言大聖我今已見一切諸佛神通遊戲清淨境界亦聞諸佛說法音聲了了分明不壞耳根受持不忘正念思惟不失句義次第分別為人演說亦教利喜以智慧力分別諸佛法教授衆生見弥勒等未來百佛千佛百千佛億萬佛阿閼婆頻婆羅阿僧祇佛於念念中剎那頃心念明淨亦見未來恒河沙不可說不可說世界微塵數等衆生發菩薩心修菩薩道行三十七品具六波羅蜜遊戲神通教化衆生淨佛國土取吉祥草坐菩提樹降伏四魔成等正覺轉妙法輪放大光明示現涅槃乃

摩訶般若經卷上 第三十七

至正法像法劫數成壞心心相續皆悉明了如見此境未來國土十方世界亦復如是亦見現在毗盧遮那多陀阿伽度阿羅訶三藐三佛陀等無量無數一切諸佛從初發心坐於道場轉妙法輪示現涅槃正法像法劫數成壞住世久近如此世界十方亦然十方三世一切佛剎火劫起時於栴檀塔倍更明顯亦聞十方三世諸佛已說今說當說以智慧力志能受持一切世間聲聞緣覺及小菩薩所不能及善男子我唯知此不生不滅實際在嚴平等菩薩法門諸大菩薩於一念頃悉知三世佛法本際平等於剎那頃莊嚴无量三昧境界海門住如實際无彼我相亦無二意住佛所住於一切而無法想住歡喜法界清淨莊嚴三乘賢聖如寶智慧平等无二不著世間及世間果一切三世如來印綬及受教法悉充法界常住不滅一切如來音聲充滿法界不可思議無量无边不可具說我當云何能知能說彼功德行善男子於此南

方有孤絕山名金剛輪莊嚴高顯彼
有菩薩名觀世音住其山頂汝詣彼
問云何菩薩學菩薩行修菩薩道時
善財童子頭面敬禮高貴德王菩薩
足已遶百千匝眷仰瞻察綽退南行
今時善財童子正念思惟彼長者教
隨順菩薩解脫之藏正念菩薩諸憶
念力承佛威神佛本願力以三昧正
受於念念中間无空缺常念拈檀寶
塔無量諸佛悲泣雨淚尋路而行次
第分別一切諸佛及諸佛法於一心
中莊嚴諸佛神通念定慧力為欲長
養菩提善根思惟正念一切諸佛不
思議業漸漸遊行到彼孤山步步登
陟念觀世音正念不捨遙見經行在
巖西阿處處皆有流泉花樹林池清
綠金花香草柔軟鮮潔皆從菩薩切
德所生至其山頂見觀世音坐於金
剛八楞之座座出光明嚴飾無比與
無量菩薩眷屬圍遶而為說法時觀
世音身真金色半執大悲白寶蓮華
說大慈悲經勸發攝取一切眾生入
於普門示現法門

今時善財童子既得見已歡喜踴躍
不自勝持生希有心合掌諦觀目不
暫捨作如是念善知識者即是如來
善知識者是佛道正因善知識者是
法寶雲善知識者是功德行藏善知
識者十力妙寶善知識者難見難值
軍勝無比難可測量善知識者是十
二頭陀正因之行善知識者是无盡智
藏善知識者生功德牙並善知識者
能開發示道一切智門善知識者能
令一切眾生得入薩婆若海究竟清
淨无上佛性菩提境界如是讚歎善
知識已漸漸親近時觀世音遙見善
財讚言善哉善哉善來童子尋求大
乘攝取眾生救護一切眾生生系軟
心正直心深心求佛法心起大悲心
向普賢行發一切大願清淨之行成
就一切大願莊嚴常樂受持一切佛
法寶雲心不虧減增長善根修諸切
德無有歇足順善知識不違其教從
文殊師利智慧大海成熟心行得佛
勢力光明三昧身心嚴淨无有垢穢
永離懈怠終不退轉常見諸佛心生

歡喜遠絕眾惡修諸善行成就智慧
心無障淨如虛空速得對治離苦
法門住諸如來境界光明守護法城
廣宣法教
今時善財童子至觀世音菩薩所頭
面禮足遶百千匝合掌恭敬却住一
面自言大聖我已先發阿耨多羅三藐
三菩提心而未能知云何菩薩學菩
薩行修菩薩道答言善哉善哉善男
子汝今已能發阿耨多羅三藐三菩
提心善男子我已成就毗羅摩伽三
昧大悲法門善男子此毗羅摩伽三
昧大悲法門是菩薩行一切菩薩切
德智慧志在其中三昧力故不移此
座普現一切清淨色身以普現法門
清淨光明之行於十方世界教化成
就六趣眾生常於一切諸佛所隨所
應化普現其前或以布施攝諸慳貪
或以持戒攝諸毀禁或以忍辱攝諸
恚惱或以精進攝諸懈怠或以禪定
攝諸亂心或以智慧攝諸愚癡以六
和敬善順眾生以四攝法攝取眾生
放大光明網除滅眾生煩惱熱痛以

羅摩伽經卷上 第三十 梵

方便波羅蜜行布施愛語利益同事
攝取衆生以一切光明網微妙音聲
普為十方一切衆生演說一切聖解
脫法成就一切諸波羅蜜隨諸衆生
應以諸佛菩薩聲聞緣覺形色威儀
而得度者皆為現身坐金剛座手執
白花為說毗羅摩伽菩薩本行大悲
法門聖解脫法若有衆生應以六趣
形色威儀而得度者現六趣身坐金
剛座手執白花為說毗羅摩伽大悲
法門聖解脫法令彼衆生皆得悅樂
以妙色身變現自在示同類身普度
一切隨其威儀乃至同心攝取衆生
善男子我常行此大悲法門毗羅摩
伽菩薩圓滿智慧光明三昧我於往
昔發清淨誓願故以此淨願果
力住此法門是故此三昧門名為大
悲具菩薩行毗羅摩伽三昧法門教
化一切衆生為諸衆生而作屋宅歸
依覆護依止之處為諸衆生作大橋
樑作大洲渚為諸衆生作大炬燭作
大導師乃至究竟處為化衆生故發
弘誓願見聞我者皆得歡喜欲令一

羅摩伽經卷上 第三十一 梵

卷上

切五道衆生遠離險難惡道恐怖熱
惱恐怖愚癡恐怖繫縛恐怖殺害恐
怖貧窮恐怖不活恐怖諍訟恐怖大
衆恐怖死恐怖墮四惡道恐怖諸趣
恐怖不同意恐怖愛不愛恐怖一切
惡恐怖逼迫身恐怖逼迫心恐怖恐
憂恐怖懈怠恐怖邪淫貪色恐怖生
老病死憂悲苦惱所求不得愛別離
苦忿憎會苦為脫一切衆生苦畏海
故發大誓願住此淨慧光明法門復
次善男子出生現在正念救護三世
一切衆生怖畏正念法名字法輪法
門為脫輪轉三界衆生故入論議法
門住此法門故示現一切衆生等身
種種方便隨其所應以是方便除其
恐怖皆令發阿耨多羅三藐三菩提
心得不退轉供養諸佛受持正法善
男子我唯知此大悲清淨毗羅摩伽
菩薩光明法門諸大菩薩一切皆具
普賢菩薩清淨大願成滿究竟普賢
之行不斷一切諸善根流不滅一切
諸三昧流常修阿毗跋致致行未曾斷
絕善知世界成壞之相滅諸衆生不

羅摩伽經卷上 第三十二 梵

善根牙生出一切諸善根流滅諸衆
生生死心流出生衆生善根心流我
當云何能知能說彼切德行
羅摩伽經卷上

辛丑歲高麗國大藏都監奉
勅雕造

佛說羅摩伽經卷中

荒

西秦沙門聖堅譯

今時東方有一菩薩名無異行寶花承足步虛而來詣娑婆世界金剛輪山足蹈山時娑婆世界六種震動變成眾寶以為莊嚴舉身毛孔普放光明皆悉映蔽日月星辰梵釋四王及一切天龍神夜叉捷閼婆阿修羅迦樓羅緊那羅摩睺羅伽人非人等火珠光明摩尼珠光皆如聚墨又此光明普照地獄餓鬼畜生閻羅王處及諸幽闇消滅眾苦斷除煩惱病苦怖畏皆得安隱普雨寶雨充滿佛刹及雨一切供養之具以是等種種供養供養如來隨諸眾生所應見身為其示現遍六趣已到金剛輪山至觀世音所今時觀世音菩薩告善財言善男子汝見此座無異行菩薩不答言大聖唯然已見時觀世音告善財言汝詣彼問云何菩薩學菩薩行修菩薩道時善財童子頭面敬礼觀世音足遶無數匝觀察無厭正念聖教深入

羅摩伽經卷中 第三張

荒

智海却行辭退至無異行所頭面敬礼右遶七匝畢已合掌而立白言大聖我已先發阿耨多羅三藐三菩提心而未知菩薩云何學菩薩行修菩薩道答言善男子我已成就普現速行法門善財童子自言大聖於何佛所得此法門所從來剎去此幾何發來久如答言善男子此處難知一切天人及阿修羅人非人等所不能測唯勤精進不退轉行親近善知識佛所護念乃能得知若非具足宿善根力清淨直心具菩薩根開智慧眼多聞多知尚不得聞不能深入賢聖智慧何況信解菩薩行處善財童子白言大聖唯願為我說彼國土如來名号我當承佛神力及善知識力信五根力成就神通力而得信解今時無異行菩薩答善財言我所來剎名妙首法藏佛号普賢首於彼佛所得此普現速行法門從彼發來已經不可說佛刹微塵等劫於一念中行不可說佛刹微塵等步一一步過不可說佛刹微塵等世界所經諸國佛皆現在以一

羅摩伽經卷中 第三張

荒

切菩薩無盡供具供養諸佛摩訶摩身所以者何以我得此無著清淨法性生身如寶相印三昧法門以是功德能供養如來無著法身以一切諸菩薩所希見事供養諸佛隨諸眾宿世善根為現色身而為說法放大光明普照十方應適眾心隨其所須如意皆得成就法藏出微妙聲演說正法饒益眾生出妙法身度脫眾生乃至十方亦復如是善男子我唯知此菩薩普現速行法門諸大菩薩普於十方無所不至境界无量無能壞者清淨法身充滿法界分別了知諸眾生道滿一切剎順一切法等觀三世說平等法隨順世間不著佛道普至无著無尋善說一切諸法實相本性空寂我當云何能知能說彼功德行善男子於此南方有城名娑羅波提彼有一天名曰大天汝詣彼問云何菩薩學菩薩行修菩薩道時善財童子頭面敬礼敬無異行菩薩足遶無數匝瞻仰觀察辭退南行今時善財童子正念思惟菩薩毗羅

摩伽無障導行一向專求元異行菩薩智慧境界所出光明智慧神通色身境界一切功德莊嚴境界勇猛精進堅固歡喜出生无量不可思議持行法門遊戲神通得決定智深心悅樂遍體歡喜具諸功德諸三昧地陀羅尼地諸大願地諸辯才地具諸力地漸漸遊行至彼城門推問大天今在何所時有人言善男子今在城內重閣堂上成就微妙清淨色身大衆圓通化現說法

今時善財童子詣大天所頭面敬禮白言大聖我已先發阿耨多羅三藐三菩提心而未知菩薩云何學菩薩行修菩薩道是時大天即申四辟取四海水安置四掌不令漏落自為善財童子添面漱口取金蓮華以散善財而作是言希有善男子甚奇甚特乃能速來求善知識善男子諸菩薩行難聞難見甚深微妙不可思議勇猛精進形容微妙人中分陀利為衆生歸依覆護一切饒益衆生攝取不捨安隱一切普照一切十方刹海顯

現正道遠離惡趣為大導師護持正法獎引衆生安隱無患到於彼岸必定當至一切智城甚為希有菩薩三業具足成就難淨能淨永離衆惡於衆生類常以愛語隨其所應悉現其前未嘗失機善男子我唯成就菩薩雲網光明法門善財童子白言大聖此雲網光明法門境界云何今時大天於善財前積大金聚猶如山王積白銀聚積琉璃聚積頗梨聚積車渠聚積瑪瑙聚積夜光聚積水精聚積金精聚積開導衆生摩尼聚積紺珠聚積玫瑰聚積紫玫瑰聚積日精珠聚積彌羅伽寶聚積雜色寶聚積毗富羅寶聚積赤真珠羅網聚積栴檀摩尼聚及積莊嚴支節一切身分諸瓔珞聚猶如須弥一切花一切香一切塗香一切末香一切花鬘一切天衣一切寶蓋一切幢幡一切樂器一切莊嚴諸供養具五欲境界如是衆寶積如須弥又復顯現阿僧祇百千萬億諸童女衆語善財言善男子汝

可取此一切衆寶供養如來惠施一切攝取衆生悉令衆生修檀波羅蜜學檀波羅蜜一切捨故以此捨心教授一切普得修行令諸衆生能捨難捨善男子我以此物教汝布施普教一切亦復如是悉令衆生以無貪善振薰修身心普使衆生修佛菩薩行親近善知識供養恭敬尊重讚歎出生善根長養善根成就具足一切善根發阿耨多羅三藐三菩提心復次善男子若有衆生貪五欲者為彼示現不淨境界貪國土者為說无常為顯悲怖畏憐憫放逸諍訟結恨如羅刹鬼殺生無度飲血啖肉如是等種種衆生悉為示現教彼衆生修大慈悲皆令永離瞋恚放逸若懈怠者為現水火盜賊惡王怨敵等難化以無常起諸善根善男子如是種種惡類衆生以方便慧滅除諸惡一切障智智慧慈愍成就一切諸波羅蜜善男子我唯知此菩薩雲網光明法門諸大菩薩滅除煩惱如切利天王滅阿修羅難諸菩薩如水能滅衆生

煩惱熾火諸菩薩如火能燒衆生煩惱積薪諸菩薩如風吹散衆生貪愛諸著壞滅一切染愛癡心諸菩薩如金剛摧滅一切彼我有愛諸大菩薩成就如是諸大功德我當云何能知能說彼菩薩行善男子此閻浮提南方有國名摩伽陀寂滅道場菩提樹下有神名安住汝詣彼問云何菩薩學菩薩行修菩薩道時善財童子頭面敬札彼大天足今乃辭退趣摩伽陀國詣寂滅道場安住神所

今時十千地神各作是言此童子來能救護一切衆生即是如來藏能破衆生無明弊膜常生勝妙法王之家難垢無障以无量天繒寶冠以冠其首有大智慧寶藏摧伏外道異學諸論議師法輪王法教化衆生今時安住地天一萬神等震動大地雨以香水掃以香風一萬地天異口同音出微妙聲遍滿三千大千世界放大光明普照三千大千世界復有衆寶宮殿以為莊嚴一切花樹開敷鮮茂曲枝垂下一切果樹悉成果實亦皆垂

下一切香水泉源河池迴洑旋流更相灌注演出種種娛樂音樂聲諸天衆寶莊嚴樓閣騁驎師子香鳥白鹿鳳凰孔雀異類禽獸各與眷屬寶持供具皆悉歡喜出哀和音無量寶藏自然涌出四方風起猶如金輪吹衆雜花散道場地天龍夜叉捷闍婆阿修羅迦樓羅緊那羅摩睺羅伽人非人等充滿林間

今時安住地神告善財言善來善男子汝欲自見往昔曾於此處所種善根福報果不是時善財童子頭面敬札安住天足遠無數匝却住一面白言大聖唯然欲見今時安住地神即以足指案此大地無量阿僧祇劫由他摩尼寶藏開發顯現衆吉祥瓶自然涌出善男子汝昔布施果報致此寶藏悉隨汝意以用布施善男子我已成就菩薩不可壞智慧藏法門我從然燈佛來獲大善根常住此地次第護諸菩薩令得深入智慧境界盡其源底大願成滿淨菩薩行出生一切三昧修一切神通具足一切菩薩

大方廣功德力具足諸菩薩大威德力成就菩薩不可測智慧其心堅固不可破壞放光明網遊諸佛剎聞諸如來受記法輪一切如來所轉法輪一切修多羅雲以大法光明普化衆生受持諸佛自在神力守護諸佛大法明力示教利喜我唯知此菩薩不可破壞智慧法門善男子乃往古世過須彌山微塵數劫有劫名光明淨世界名月幢如來号善眼善男子我於光明淨劫善眼佛所思惟得此法門修習長養淨此法門增進高廣普演法門於其中間常得見佛從光明劫乃至賢劫於其中間過不可說不可說佛剎微塵等劫劫中諸佛我悉親近具足供養如是諸佛往詣道場菩提樹下諸莊嚴具我悉得見於一佛所聽受修習得此法門於諸佛所修習善根以此善根聞法因緣得不可壞智慧法門善男子我唯知此菩薩不可壞智慧法門諸大菩薩於一切佛所親近供養諸佛說法悉聞受持隨佛音聲為他演說念念

法華經卷中 第三十

法華經卷中 第三十

六〇

相續得入佛心住佛秘密得淨法身
起出菩薩無明習弊出生一切諸佛
影藏善說句義憶持不忘普現諸色
身於身不二相諸菩薩行無量无边
我當云何能知能說善男子此閻浮
提有國名無惱城名勝忍於彼城中
有一夜天名婆婆娑娑陀汝詣彼問云
何菩薩學菩薩行修菩薩道時善財
童子頭面敬禮安住神足遶無數匝
眷仰辭退漸漸遊行詣夜天所
尔時善財童子正念思惟彼地天教
菩薩不可壞智慧法門修菩薩三昧
明趣入隨意觀察菩薩律儀法或其
心明了諸菩薩自在遊戲神通觀察
一切清淨法性深入菩薩甚深智慧
究竟境界深入菩薩智海法門隨順
菩薩觀察无壞智海法門觀察菩薩
深極無邊清淨不壞法門觀察菩薩
法雲法海廣覆法門漸漸遊行至彼
大城遠無數匝從東門入中城而住
尔時善財日没未久思慕大師如渴
欲飲隨順一切諸菩薩教一心合掌
欲見大師婆婆娑娑陀夜天於善知識

所起於如來應供正遍知想普眼境
界顯現十方一切色身及智慧力遍
至一切樂見善知識住淨境界普見
一切諸善知識慈心境界妙藏法門
得一切法正智慧眼觀察十方三昧
智海普眼境界不出不入同一如性
一切光明法界智海大智慧眼深廣
無邊見彼夜天於其城上虛空中住
嚴實樓閣香蓮華嚴莊嚴世界坐寶
蓮華身真金色頂鬘璫文妙金精色
目睨紺青分齊分明色相端嚴殊妙
第一衆寶嚴身希有无比見者歡喜
視之無厭身服朱衣妙寶嚴飾頂上
髻鬘猶如梵王尔時夜天即為善財
童子說鬘鬘梵王頂法身印陀羅尼
即說呪曰
勒航 娑羅娑娑那 陀羅尼 眠遮
梵摩闍訖震那 舍利囉 摩鳩吒
陀羅尼 眠遮 斫迦羅陀羅尼 哆莎
呵 陀莎呵
善男子若有得此陀羅尼者於其身
上諸毛孔中普現一切日月五星二
十八宿亦現一切辰曜光明以此光

明普照無量世界一切衆生於刹那
頃能見衆生在三惡道受八難苦於一
毛孔皆悉觀見所化衆生或見衆生
樂生天者或有樂得聲聞乘者或有
樂得緣覺乘者或有樂得一切種智
者於一毛孔皆悉顯現或有樂見種
種方便形色威儀音聲說法及諸語
言亦於一念皆悉觀見如是微妙法
音清徹隨所樂聞經無數劫亦於毛
孔皆悉見聞及諸菩薩一切行等或
見菩薩勇猛精進修諸三昧神通力
門菩薩自在神力境界菩薩所住菩
薩光明菩薩神通奮迅法門如是種
種隨所化衆生皆於毛孔悉得見聞
皆是菩薩本行所得
尔時善財童子見聞是已心大歡喜
頭面敬禮彼夜天足遶無數匝恭敬
合掌於一面立自言天神我已先發
阿耨多羅三藐三菩提心心生信解
因善知識得見諸佛聞法功德唯願
天神今當為我開示顯現諸菩薩所
行薩婆若道若有菩薩向此道者當
得菩薩十地十力尔時夜天告善財

言善哉善哉善男子汝能敬善知識隨順其教若有菩薩敬善知識隨順其教疾當得阿耨多羅三藐三菩提善男子唯我成就菩薩光明普照諸法壞散衆生愚癡破魔法門善男子我於邪見惡衆生中發大慈心於不善業逆衆生中發大悲心於修善衆生發歡喜心於善惡等衆生起無二心於染汙衆生發清淨心於邪見者我衆生起平等心於下賤不淨衆生發歡喜心於著樂衆生發清淨心於樂生死輪轉衆生發善隨順解生死輪於樂聲聞緣覺衆生發起安立住一切智菩提道心善男子我常如是思惟教化一切衆生成就菩薩光明普照壞散衆生愚癡破魔法門於夜後分人靖無聲時一切鬼神交橫馳走時盜賊遊行時比丘離威儀時煙雲塵霧昏蔽日月不見色時我於彼處為作明眼引導令過若有衆生在於城邑村營聚落山巖曠野八方大海中乃至一切水陸叢林險路迷道怖畏雲雷霹靂難愚人恐怖禽獸難

曠野盜賊難固土飢饉疾疫難關戰破壞難以陀羅尼力滅其恐怖若有衆生遭於海難黑風揚波大浪迴覆商人迷惑不見邊涯如是種種水陸諸難我於彼處為作歸依或作洲渚或作船形濟諸溺人或作薩薄或作敵人或作鳥王形馬王形或作小鳥形龍龜鼈形阿修羅王形海神龍王形或作狗王或豕形現如是等種種類形為作歸趣方便度脫一切苦難願諸衆生離五陰苦得解脫道一切人聞於夜闇時及礫荆棘丘陵塚阜毒蛇師子虎狼虺蝮一切毒害寒熱風難我於今時作日月形明星形流星形彗星形或作雷電霹靂之聲或作寶光明形或作熒惑太白諸災異星變怪之形或作諸天宮殿或作天三形或作諸天龍神八部之形或作轉輪王形諸小王形種種人形或作菩薩形或作如來形以陀羅尼力種種方便覆護衆生願諸衆生常得安隱大悲覆護住佛所住或作山巖石窟形或作溪澗泉池林木藥草花果樹

形或作百種甘饍香美飲食或作冰雪或作影響陰涼之形或作平地道路巷陌或作迦陵頻伽孔雀王等衆鳥之形或作藥樹王放光明形或作山神地神形或作炸燭電光之形若有衆生在山險平澤諸怖畏處以陀羅尼力為作救護我以如是種種方便令諸衆生得免憂苦離生死海發如是念今諸衆生越我憐山又願衆生起生死流慧炸炎熾破無明闇燒五陰村度死生澤善男子我於生死險難愚癡衆生以陀羅尼力決生死網恐怖繫縛惡罵呪詛兩舌惡口誹謗譏搆我於今時作迦陵頻伽鳥微妙之聲說陀羅尼令彼悅樂解脫憂苦若嬰兒童子壯年耆老諸盲瘡痼癰殘拘攣疥癩癰疽乃至四百四病以陀羅尼力作大醫王現病人前為說種種諸治病法各得除愈善男子我復作是念見諸衆生樂著五欲棘刺林者樂著邪見顛倒說者樂著國土生憍慢者如是種種愛著苦難逼切其身不覺不知隨彼衆生在在處

摩訶薩經中 第十卷 光

妄念何事思何事以陀羅尼力即為現身示導正路令得安樂蒙我恩力離眾苦難得安隱處我為彼人復發誓願令諸眾生速離三塗永得解脫一切眾苦專求智慧向菩提道無眾憂患常得安隱離五陰縛若有邊方諸小國土國王王子善男子善女人憂國土諍訟事憂生業田宅事憂名稱榮位自在事如是種種危厄怖難我於彼處以陀羅尼方便之力令彼和同皆得安隱復發是願令諸眾生除五陰十二入十八界等一切諸著越生死河安住彼岸又願眾生住佛一切種智境界永離見著出生安樂一切佛行若有眾生著聚落業無明繫縛六十二見種種見著受諸苦惱甚可惡傷我以陀羅尼方便為其說法令得厭離以法攝之復作是念令諸眾生安住無上正法道地復作是念願諸眾生悲皆速離六入空聚超出生死究竟境界安處薩婆若城寂滅樂處復次善男子如迷方人以東為西以西為東以南為北以北為南

摩訶薩經中 第七卷 光

四維上下亦復如是一切世間迷法之人不知正道亦復如是善男子世有三一人狂二癡三者風病如此三人橫興毒害手執利劍欲斫東方反斫西方欲斫西方反斫東方欲斫南方反斫北方欲斫北方反斫南方四維上下亦復如是謗法之人亦復如是心顛倒故於正法中而生邪相於邪法中生正法想於常法中生无常想於無常法中生於常想於樂法中生於苦想於苦法中生於樂想於不淨中生於淨想於无我法中橫生我想於平地中生峻嶒想於峻嶒中生平地想豐樂之世生飢饉想飢饉之世生豐樂想民熾盛世生空荒想空荒之世生熾盛想如此愚癡失道眾生迷惑眾生失性眾生我以種種方便陀羅尼力放大光明於黑闇處欲出道者開其門戶為愚癡者放大光明開智慧眼為失道眾生開示正路而引道之若有眾生欲度流者為作橋船津濟洲渚令到彼岸不知方域示以樂土丘墟坑坎化為平地生

摩訶薩經中 第六卷 光

柔軟草或復現作城邑聚落及諸妙色以施眾生令得快樂又復現作江河流泉園林浴池人民熾盛安隱豐樂令諸眾生慈心相向猶如父子兄弟姊妹復發此願我今已施一切眾生一切安樂智慧光明令彼眾生永離闇冥無復憂憂長夜迷昏無明闇蔽無眼眾生得智慧眼普令明淨若有眾生著於我人眾相者令離我人眾生等想若有眾生無常常想无我我想苦有樂想不淨淨想非陰陰想非命命想於非中陰作中陰想非陰界入作陰界入想草木非壽命作壽命想眾生非草木作草木想於非因果作因果想非善行道作善行道想殺生祠天求常樂想乃三十惡邪見等業普願眾生離此諸想不孝父母不敬沙門及婆羅門無有反復不識恩養遠離正道行不善業具足十六諸惡律儀誹謗正道毀壞正論深著邪見謗佛法僧斷正法輪壞善薩眾增惡大乘殺害菩薩不讀菩薩經如是種種諸不善業雜類眾苦

無量無數劫大悲覆群生成就大悲海
 出生三世佛除滅一切苦善財速究竟
 佛子心歡喜永離世間患超出三界苦
 受諸賢聖樂遠離有為惡聲聞智解脫
 滿足諸佛智佛子應究竟我以遍淨眼
 普觀十方刹於彼世界中諸佛生道場
 相好莊嚴身無量眾圍遶放大光明海
 普化諸群生觀諸眾生類死此生彼
 迴流六趣中脩受諸苦毒我以淨耳海
 普聞十方音一切語言海皆悉能受持
 我以淨鼻根法海中无尋能入諸法門
 善財應究竟我成大人相清淨廣長舌
 隨應演說法佛子應究竟清淨妙法身
 三世如如等隨其所應化一切無不現
 我心無所著澄清如虛空普攝佛境界
 而亦無二相悉知无量刹眾生諸心海
 分別諸根意遠離虛妄法我以神通力
 遍遊无量刹普覆一切眾調伏諸眾生
 智慧淨如空無以无盡藏供養一切佛
 饒益諸眾生廣大淨智慧了知諸法海
 除滅眾癡惑佛子應究竟我入佛法海
 通達三世法明了一切智无能測量者
 一一微塵中悉見佛刹海或覩三世佛

真實智慧力見盧舍那佛道場成正覺
 十方微塵刹悉轉正法輪
 今時善財童子自天神言發阿耨多
 羅三藐三菩提心為已幾時得此法
 門其已久如乃能如是饒益眾生答
 言佛子乃往古世過須彌山微塵數
 等劫復過是數無量无边彼有世界
 名七寶功德集劫名光明寂靜國名
 寶月光明城名蓮花光嚴闍浮提中
 於此劫中有五百億佛出興于世時
 彼城中有轉輪聖王名善法度以聖
 王法正法治世七寶自至王四天下
 壽命一切威力自在不加兵仗自然
 太平彼王所重第一夫人名日月意
 其王夫人伎樂自娛至於中夜溥昏
 而眠夢此城中有一夜天名取正覺
 寂靜光明來至其前合掌而立而作
 是言咄善女人汝今知不於蓮花光
 大城之東有林名寂靜光微妙德於
 此林中有菩提樹名一切佛自在光
 有佛世尊号一切法雷音王坐此樹
 下成等正覺十号具足放大光明名
 摩訶王普照一切彼雷音王佛出興

於世於菩提樹下始成正覺已經七
 日時彼夜天稱揚讚歎顯說如來無
 量功德自在神通令彼夫人發无上
 道心讚歎普賢菩薩一切願行時王
 夫人即於夢中敬禮彼佛發阿耨多
 羅三藐三菩提心供養佛時世尊放
 金色光觸夫人遍照宮城皆同金
 色時彼夫人即從眠覺令時彼佛侍
 從聲聞菩薩一切大眾現夫人前是
 時夫人頭面敬禮佛及大眾供養恭
 敬尊重讚歎即發誓願願此功德於
 將來世天人之中取尊最勝善男子
 汝今當知時王夫人月意者豈異人
 乎我身是也我於彼佛所初發道心
 莊嚴功德種大善根超越須彌微塵
 等劫不墮地獄餓鬼畜生閻羅王屬
 下賤之家具足諸根滅除眾苦常於
 人天中得取勝果報常得不離親近
 善友常生諸佛菩薩之家不生五濁
 劫善男子我獲善利於彼佛所深種
 善根長養善根於八十億須彌山微
 塵等劫常受快樂而未滿足菩薩善
 根亦未獲得三昧神通得過八十億

萬劫有劫名清淨無憂世界名清淨威德勝彼世界中有五百億佛出興於世成等正覺十号具足彼佛國土或淨或穢我時次第供養彼佛彼佛世界有一四天下名離垢幢城名莊嚴我於今時為明勝長者女名勝慧光端正殊妙於彼世中值最初佛名須彌山善寂幢時有一天名淨覺月以本願力生彼城中復有夜天名清淨眼於睡眠中入於王宮即至我所顯現妙身讚歎如來勸我發心令往佛所作如是言須彌山善寂幢佛始成正覺放大光明已經七日今時夜天引導於我我即驚覺見大光明遍滿宮室父母驚喜即告我言此何光明金色顯赫明照吾室我於今時即白父母我於夢中見一夜天讚歎如來勝妙功德有佛世尊名須彌山善寂幢出現於世已經七日唯願父母與諸眷屬往詣佛所供養恭敬聽佛說法父母歡喜即便許可是時夜天在前引導我與父母及親眷屬俱詣

微妙光明即得菩薩清淨三世普智慧光明三昧得此三昧已憶念過去如須彌山微塵等劫所見諸佛所說經法受持不忘即得光明普照諸法壞散衆生愚癡破魔法門得此法門已復憶過去十世界微塵數劫世界時事又見彼諸一切衆生及其業報好醜諸根利鈍性欲不同語言音聲久修善業親近善知識隨其所應亦現色身為作利益見如此事如今現在我以此三昧力於念念中增長法門心心相續能以身充滿十方微塵等世界乃至充滿一切世界微塵等海又復過彼一切世界微塵數不可說不可說世界如是世界中悉見一切諸佛聞佛說法念能憶念受持分別了知彼佛本淨願海又知諸佛發清淨願莊嚴佛土我今亦欲嚴淨一切世界海衆生令得淨土如今現前隨彼衆生所應見身即為示現調伏其心而化度之我從昔來乃至今日剎那相續長養增進修此法門如

我唯知此菩薩光明普照一切諸法壞散衆生破魔法門諸大菩薩究竟無量无边普賢菩薩所行願海深入一切諸法界海建立一切諸菩薩智慧幢三昧遊戲神通大願成滿守護受持諸佛如來大功德海於念念中莊嚴教化一切衆生成就滿足智慧性海除滅無明迷惑顛倒普施淨慧猶如秋月菩薩住世遍照三界不著衆相消除熱惱示現三世自在神通運載衆生開示正道出生三世圓滿清淨一切音聲充滿十方一切法界從初發心乃至十地於其中間皆悉具足無量功德不可思議諸神通力智慧光明我當云何能知能說彼菩薩行善男子此閻浮提摩伽提國有一夜天名妙功德難陀光明彼夜天者是我大師先已勸我發阿耨多羅三藐三菩提心亦教利喜汝詣彼問云何菩薩學菩薩行修菩薩道今時善財童子即以偈讚婆婆婆而說頌曰

菩薩地持論卷中 第十卷

我見尊淨身相好自在嚴超出於世間猶如須彌山法身湛然淨三世悉平等普攝諸眾生其人無所著開演淨光明普照一切趣於一毛孔中悉見諸星宿心淨無所依如日在空中攝取法王法明淨深智慧一一毛孔光遍照十方刹於一切佛所發布法雲雨一切毛孔中亦現變化身充滿十方刹方便度眾生初行菩薩時淨業不思議一一毛孔中顯現十方刹識知見聞者悉得功德利專求善提道必成佛無疑不思議等劫常求善知識寧墮三惡道不捨菩提心百千微塵劫讚歎一切德衆劫猶可盡功德無窮已

今時善財童子頭面敬禮彼夜天足遶無數匝眷仰觀察心無厭足辭退南行向摩伽陀國

佛說摩訶經卷中

壬寅歲高麗國大藏都監奉

勅影造

佛說摩訶經卷下

羌

西秦沙門聖堅譯

今時善財童子一心思惟彼夜天教初發道心圓滿清淨思惟是已即得深入諸菩薩藏出生菩薩大願法海淨諸菩薩波羅蜜道窮盡菩薩圓滿勝淨行業發起成就深入智海以一切智救護十方一切眾生長養增廣大悲悲雲於諸佛剎出生普賢諸大願行漸漸遊行至普甚深微妙功德難垢光明夜天所頭面敬禮遠元數而却住一面恭敬合掌白言天神我已先發阿耨多羅三藐三菩提心而未知云何修菩薩行具足諸地答言善哉善哉童子乃能發阿耨多羅三藐三菩提心問菩薩行具足諸地善男子菩薩成就十法則能具足菩薩所行何等為十一者急得諸佛現前三昧見一切佛色身了了分明二者得淨眼三昧見一切佛三十二相八十種好莊嚴其身三者得無量无边功德淨眼見一切佛深妙功德智慧

菩薩地持論卷中 第十卷

羌

大海四者見無量无边佛光明海恣能普照一切法界五者無量不可思議佛法光明於一毛孔放大光明普照一切眾生數等令種種眾生皆發阿耨多羅三藐三菩提心成光明海諸佛如來普慈等心於念念頃十方世界施作佛事於諸眾生隨其所應而度脫之令無量眾生皆得解脫六者於一一毛孔中悉見一切寶珠光明摩尼炎海七者於念念中出一切諸佛變化大海充滿法界究竟一切諸佛境界教化眾生而無障八者出一切佛無住微妙音聲大海轉三世佛清淨法輪演說一切修多羅海及法雲海其義深遠元能窮盡九者究竟諸佛音聲海深入一切如來海究竟一切如來海十者深入示現不思議佛自在神力化度眾生住無量无边諸佛名稱海善男子此名菩薩十法若有菩薩具此十法則能滿足菩薩諸行亦能急修普賢行願善男子我已成就菩薩寂滅定樂精進法門以此定力悉見三世嚴淨佛剎一

切諸佛及眷屬海悉見無量無邊諸
佛如來神通力海分別了知諸佛名
號諸佛如來轉法輪海知彼諸佛壽
命短促及以無量知彼諸佛無量微
妙淨音聲海彼諸如來清淨法身無
量無邊充滿法界亦不著如來一切
諸相而無相好想何以故諸佛如來
無來去相已滅一切來去相故不住
三世如來際故亦非過去不住現在
滅於一切世間相相故不取一切來
去相故故名如來不來不去諸佛如
來不生不起不退不沒不滅不現故
名法身諸佛如來不起語性不滅語
性過一切語言語言斷故非實滅身
亦現滅度猶如幻法性不壞故諸佛
如來非實非虛欲為饒益諸眾生故
一切如來以如來道無來无去出興
於世諸佛如來不生不沒不滅不住
不至此不往彼法性清淨不可壞故
諸佛如來無性无相離於一切語言
道故諸佛如來以一如相同入法性
無邊際故究竟一切法界性故善男
子我如是了知於一切如來唯得此

寂滅定樂精進法門照明增長廣大
善根深入隨順如寂甚深普現境界
分別了知虛妄平等相演說甚深平
等大法以大悲心普攝一切未曾捨
離一心善寂无起滅想增長正受入
寂滅定起於初禪除滅意業得寂智
力攝取眾生歡喜悅樂入第二禪捨
離生死寂滅涅槃觀眾生性修第三
禪為滅眾生諸煩惱苦而不見眾生
相修第四禪增長一切智菩提心願
出生一切菩薩定海巧妙方便深入
一切諸法門海成就菩薩遊戲神通
出生菩薩自在神力明淨智慧深入
普門法界復次善男子我唯如是修
習菩薩寂滅定樂精進法門以種種
方便度脫眾生夜半靜時為諸在家
貪著五欲者說不淨相為計樂者說
苦惱想逼迫繫縛想食不淨想心狂
癡想羅刹鬼想為計常者說無常想
八苦集身想无我我想不自在想空
想如是等常无常苦無苦想觀此想
已教彼眾生令厭離五欲呵責身心
想信家非家出家學道想於空闊處

思惟坐禪除一切障導諸惡乱道聲
想於夜寂靜為諸眾生心安隱故示
現如是以鬼神力除其恐怖令發道
心若有樂欲求出家者我當為開正
法心門光明照路除其闇冥令不怖
畏即為彼人讚佛法僧令發道意又
復讚歎親近善知識修功德行善男
子我今以此法門力故令諸眾生未
生惡法方便令不生已生惡法方便
令滅未生善法方便令生已生善法
方便令增長廣行菩薩行修諸波羅
蜜滿足大願出生一切智慧慈悲欲
令眾生得人天樂除去妄想增長善
法隨順助成無盡無邊無受法行善
男子我唯知此菩薩寂滅定樂精進
法門諸大菩薩滿普賢願具足普賢
所行之行究竟得離除闇境界而得
成就諸善根力如來功德智慧光明
佛境界力一切佛心無所障導出生
死闍无所染汙悉具一切菩薩若願
深入一切諸佛刹海攝取一切諸佛
法海成就一切妙法雲海如來智慧
普能饒益一切眾生沒生死闍者以

羅摩如經卷下 第六卷

羅摩如經卷下 第六卷

羅摩如經卷下 第六卷

字

智慧光照生死夜我當云何能知能
說彼功德行善男子去此不遠向如
來右面有一夜天名曰喜目觀察衆
生汝詣彼問云何菩薩學菩薩行修
菩薩道今時普甚深微妙功德離垢
光明夜天欲重宣此法門義以偈頌曰
深入現前定 普見三世佛 淨眼無垢穢
分別諸佛海 觀察淨妙身 深入佛相好
一念無量力 普知法界性 淨身坐道場
蘊舍都正覺 十方法界中 轉淨妙法輪
佛覺智最勝 滅盡相無二 衆妙好莊嚴
顯示一切衆 佛身難思議 同一虛空身
普現十方刹 一時悉教化 放圓淨光明
攝諸佛刹等 不思議淨色 普照諸法界
於一一毛孔 現無量佛刹 无量微妙色
普照諸世界 不思議光明 從於毛孔現
普照衆生類 除滅衆煩惱 化佛出妙音
充滿十方界 普見諸佛刹 皆悉如雷電
如來妙音聲 充滿十方界 普雨甘露法
令發菩提心 無數劫修行 攝受諸衆生
普見蘊舍那 一切諸佛刹 一切世音響
如來悉出離 普現群萌類 今衆住境界
一切諸菩薩 所行不思議 於佛一毛孔

一念悉能知 不遠有夜天 名喜目觀察
汝可詣彼問 云何菩薩行
今時善財童子頭面敬礼彼夜天足
遠無數匝眷仰辭退向喜目觀察衆
生夜天所示時善財童子尋求善知
識正念善知識教因善知識生諸功
德發菩提心善知識者難見難遇見
善知識生歡喜心滅諸亂想善知識
者滅除疑惑能壞障見善知識當
知即得近一切智見善知識即得深
入諸佛法海見善知識起一切十方
諸如來想聞善知識有所宣說當知
即得正念法雲陀羅尼想受持一切
清淨佛法見一切佛轉法輪想見善
知識即具一切大悲悲海救護衆生
見善知識當生歡喜智慧明淨念能
普照一切佛法界海今時喜目觀察
衆生夜天以威神力加善財童子讚
善財言善哉善哉善男子乃能如是
求善知識詣善知識親近供養善知
識者即是菩提求善知識是大精進
善男子善知識者難見難遇善知識
力不可破壞善知識者普遊十方除

滅生死志斷煩惱能成辦才善知識
者深入一切無量大事莊嚴正順道
善知識者悉是普現法門能令一切
得無障導不離本處遍至十方一切
佛所求善知識當起是想不來不去
不動不搖元來去相為一切智救護
衆生應求善友今時善財童子見善
知識即得了知無量无边諸大願海
得一切智饒益衆生親近善友為諸
衆生元量無數恒沙微塵世界海盡
此世界海盡此世界邊際復過是數
無量无边不可說不可說廣大如地獄
為彼衆生起於慈悲正向善提除滅
衆生無量劫苦以一音聲普遍十方
一切世界講宣妙法若有聞者滅無
量劫生死罪障以大慈願而自莊嚴
修菩薩行於念念中得一切智相具
神通力於一切處常見一切諸佛如
來親近供養為善知識以佛莊嚴而
自莊嚴普淨三世諸佛法界不入生
流不住死流具佛神通不住法界不
離法界而能往詣十方世界充滿法
界善知識所不著語言剎那剎那頃

修菩薩行滿足性境界成就薩婆若
具一切佛神通遊戲莊嚴佛道以平
等法身心不動普攝衆生善知識力
顯現三世令時善財童子即詣喜目
觀察衆生夜天所時彼夜天於大衆
中處寶蓮華師子之座正受菩薩普
現光幢喜淨法門一切毛孔出妙色
雲其有見者喜悅無厭一一毛孔現
衆寶雲所謂智慧行報饒益衆生離
於諍訟以平等心不著諸法以上妙智
攝諸衆生顯現三世修菩薩行心無
慳怯能捨難捨普施一切身心平等
不可思議以布施福普攝衆生於諸
衆生不起染著不見衆相不捨衆生
悲具三世菩薩苦行十方世界一切
衆生無明繫縛住癡有結菩薩即以
大悲神通解其繫縛又於一切毛孔
出生一切衆生數等菩薩自在隨應
變化身雲以此身雲充滿一切虛空
法界於衆生前示現色身正受不動
於衆生前三昧神通覺悟衆生不樂
世間遠離三界滅除生死如避火坑
而於一切示現生死現天人中種種

使樂及成敗相為諸衆生說不淨觀
令諸衆生皆悉修行除顛倒想為諸
衆生說於變易苦惱之法一切受身
有為之法皆悉無常願諸衆生深入
佛境界永離無常住不可思議尸波
羅蜜恒受諸佛清淨禁戒終不毀犯
心無疑惑示諸衆生具足禁戒以戒香
熏一切衆生又於毛孔出生一切妙
色身雲割截手足及諸支體捶打逼
切訶責惡罵妄言誹謗皆悉忍受於
彼衆生不生瞋心不起害意讚歎惡
人終不毀犯身心恭敬深生恩愛猶
如父母慈念一子雖作此行不生憍
慢貢高之心顯現諸法真如法忍善
能和合一切世界諸惡衆生深知盡
無盡性虛空智慧行菩薩忍以佛心
智斷一切煩惱滅一切結習悉能荷
負一切世間惡衆生如護眼目願
一切衆生成就諸佛金剛忍德淨無
瑕穢又於一一毛孔顯現如來清淨
色身隨所應度衆生皆令得見又於
一一毛孔出生一切諸趣種種色身
示現勇猛精進令衆生修行如救頭

然降伏諸魔怨得勝不退轉救護於
一切拔出生死海永離諸憂患及無
明怖畏越度生死山永離諸欲流供
養恭敬一切諸佛心無疲厭受持守
護諸佛法輪勇猛精進滅除障導普
攝一切衆生皆令調伏入於律行心
無懈怠普示一切淨佛國土教化衆
生在嚴阿耨多羅三藐三菩提心如
是功德皆從精進波羅蜜本事果報
生一一毛孔出現一切種種形色以
諸方便除滅衆生諸憂惱苦皆令歡
喜呵責惡患一切五欲深生慙愧調
伏諸根修行無上寂勝梵行淨身口
意業顯現世間一切所欲皆不可樂
示現如是種種形色皆令快樂常樂
受持出生正法心不散亂安住深入
九次第定除滅衆生一切煩惱令得
安樂顯現菩薩諸三昧海通明自在
神力境界令諸衆生身心歡喜滅煩
惱熱得清涼樂增進善法身口意業
常得善寂諸根悅豫得法喜樂又於
一一毛孔示現一切五道生處令十
方五道皆見其身詣諸佛所盡一切

摩訶般若經卷第二

佛刹諸佛師長及善知識恭敬供養
心不懈憊一切如來所轉法輪志能
受持終不疲厭不生退轉究竟一切
諸佛刹海化度衆生亦現一切法海
護持正法不見法相於一實相亦現
一切諸三昧門身心清淨能斷一切
衆生疑惑以智慧力分別一切衆生
心海以金剛慧破壞衆生諸邪見山
心生圓滿明淨慧日於一念中能除
衆生癡冥闇蔽令諸衆生遠離聲聞
辟支佛地疑惑顛倒有無二邊皆悉
歡喜得智慧樂悉教一切迴向佛道
又於一切毛孔出生一切衆生塵數
等身亦現種種色身不思議身隨所
應度悉現其前於一音中說無量音
無量音中演說一音隨諸一切衆生
類語說一切諸佛功德之藏亦行世
間有作无作有記無記悉了三世業
行果報不樂三界讚歎出世離三界
法一切顛倒邪見飢饉皆令出離向
甘露道趣一切智超出諸地二乘怖
畏於有為無為心无所著皆捨生死
正向涅槃不捨衆行不離諸趣往來

摩訶般若經卷第二

五道無有疲歇發勝進心成於平等
以正覺法教化衆生得一切知一一
毛孔出生亦現一切佛刹微塵數等
變化身雲遍現一切諸衆生前修普
賢行滿一切願不可窮盡勸進衆生
向薩婆若於一念頃亦現修習一切
淨行供養恭敬一切如來心無厭足
建法幢摧外道守護一切諸菩薩行
心心相續具足一切諸波羅蜜一一
微塵海出生一切諸法性海演說一
切法音聲海遍滿十方微塵刹海以
此音聲復盡微塵世界海劫長養一
切衆生善根住壽一切無量无边阿
僧祇微塵數佛刹海阿僧祇等微塵
數不可說不可說劫為諸衆生令得
增進復過是數住壽不滅於劫燒時
承佛神力令得不滅三世一切微塵
佛刹諸佛出世悉令往詣恭敬供養
守護受持佛正法輪遊戲神通淨佛
國土教化衆生至彼彼處令諸衆生
皆大歡喜熙怡快樂於一一毛孔出
一切化身應一切衆生衆生業報現
一毛孔又於一一毛孔雨一切法養

摩訶般若經卷第二

具供養諸佛給施衆生法王心力故
無壞境界不可窮盡堅住如相不退
不沒心行平等無住无著出生歡喜
無極清淨之行以慈心力除滅一切
衆生罪惡菩薩本誓善願之力摧壞
四魔滅除一切煩惱業山盡諸世法
修大慈悲於菩薩行得不退轉普攝
一切十方世界有緣衆生令得修行
諸波羅蜜亦現菩薩無盡功德速得
菩薩轉法輪幢勝妙菩提諸陀羅尼
以此勝慧降伏外道具菩薩行力波
羅蜜為諸衆生趣向薩婆若故一一
毛孔亦現一切衆生平等身相令衆
樂見又於一一毛孔顯現一切衆生
類海又復顯現無量無數微塵數等
不可說十方世界海微塵數等諸妙
色身皆悉顯現隨應衆生菩薩智慧
行力顯現不可說不可說智慧大海
善知一切衆生心海善知一切衆生
根海知諸衆生心心數海深入究竟
智慧法界於念念頃普能充滿一切
法界解脫於世間讚歎出世間莊嚴
淨佛國土讚歎淨國衆生習學諸佛

遊戲神通讚歎諸佛神通願力詣諸佛所供養恭敬守護受持正法輪雲顯現智慧十波羅蜜今諸衆生皆大歡喜滅除熱惱遠離憂感及世八法志捨衆惡調伏諸根於一切智得不退轉如是諸波羅蜜歡悅安樂化度衆生諸大菩薩以此勝法震大法雷覺寤一切睡眠衆生以勝慧法智力光明普能正彼狂亂惡行亦見諸佛本性淨行於一毛孔皆悉顯現而不障導喜目觀察衆生夜天所修功德求善知識詣諸佛所親近供養修習諸善行檀波羅蜜難捨能捨捨王位國土城邑宮殿臣妾人民眷屬出家學道是名行檀波羅蜜行尸波羅蜜修持淨戒如護一目雖受一切世間衆苦於所持戒而不毀犯一切衆生所不能為菩薩行之是名行尸波羅蜜行羼提波羅蜜一切衆生瞋恚惡罵捶打毀謗逼切其身皆悉堪忍無瞋恚色一切衆生奪其利樂害及親愛如是苦事亦悉能忍設以三火焚燒其身受一切苦心大歡喜譬如

比丘入第三禪身心悅樂深信諸法堪受諸法不生不滅是名行羼提波羅蜜行毗梨耶波羅蜜為一切智故衆受衆苦節節火燒終不恐怖為一切智故起大勇猛如救頭然專求菩提身心堅固不可毀壞無疲極念終不退轉是名行毗梨耶波羅蜜行禪波羅蜜身心不乱而遍諸方滿足清淨禪波羅蜜勇猛精進不捨三昧名淨行入勝三昧神通遊戲度大智海念念相續皆悉次第入清淨定是名禪波羅蜜滿足諸方便身心常淨是名禪波羅蜜一切禪定海究竟諸三昧海次第相續未曾斷絕是名禪波羅蜜行般若波羅蜜不著彼不著此於空法中得大解脫是大菩薩清淨圓滿般若波羅蜜自然智慧出生清淨慧日身心不著入智慧威究竟觀察大智慧海般若波羅蜜不著法相行勝清淨智境界吉祥般若波羅蜜出生妙義智慧海般若波羅蜜行方便者出生一切諸方便身普知一切

智明淨法界勝進力是名方便波羅蜜淨慧方便生法性生身出入息頃得淨方便無二本行是名方便波羅蜜諸菩薩等本願捨願出清淨身現生具足攝受衆生於一切衆生及諸善行心淨无者是名行方便波羅蜜行願波羅蜜出生一切願海身深入一切智慧諸三昧海超過一切聲聞辟支佛地亦現出生本淨願行波羅蜜不捨不得隨所願求智慧本行淨諸願身是名行淨願波羅蜜行力波羅蜜備諸功德如意自在修助道法是名力波羅蜜因助道法饒益衆生修諸功德不著功德不見功德相是名力波羅蜜因力果力皆悉具足猶如大海是名力波羅蜜顯示種種法序說諸智力是名力波羅蜜難因果力演說智力智華業力是名行力波羅蜜行智波羅蜜身智波羅蜜名字清淨智波羅蜜智慧境界智波羅蜜正疾行智波羅蜜音現光明猶如妙香異物同熏如呼聲響一切皆應是名智波羅蜜智炎光明勝妙音聲演說

羅摩如經卷下 第六大攝

義味無有窮盡普攝一切是名智波羅蜜智波羅蜜出生成滿本行果報性相清淨是名智波羅蜜智波羅蜜無著元護一切智集諸無著助善提分智慧明了具勝進地深入甚深智行境界是名智波羅蜜智波羅蜜深入微妙知法性法智攝受諸法隨順智慧善知福田及非福田如實之相是名智波羅蜜諸如來智超出三界了達三世善知菩薩一切行業普集眾智无所罣碍亦知菩薩正智住處應修正行又復善知從初發心趣向上地以方便心善知迴向善知諸法如業如報如善知法輪如知法輪如相是名智波羅蜜勝妙無著攝受正法攝受正法者悉知一切法攝知一切法者知法如來知法如去善知業業境界善知剎刹境界善知諸劫善知三世智出生諸佛智知佛智等正智知菩薩智知菩薩智知菩薩智住智知菩薩功德智慧智知菩薩淨心迴向智知諸大願智轉法輪智知分別法智入法海智知方便海智知

羅摩如經卷下 第六大攝

法旋流陀羅尼智知諸法至趣智知如是等一切智波羅蜜深遠無底廣大無邊究竟無際如是勝智十波羅蜜於一毛孔皆悉顯現一切毛孔皆悉顯現諸變化身化度眾生又於一切毛孔出生元量身雲所謂阿迦膩吒天身雲淨居天身雲善現天身雲不熱天身雲果實天身雲遍淨天身雲無量淨天身雲少淨天身雲淨果天身雲廣果天身雲元量淨果天身雲少淨果天身雲光音天身雲元量光音天身雲少光音天身雲大梵天身雲梵輔天身雲梵富樓那天身雲梵富樓吉那天身雲梵印天身雲梵自在天王身雲他化自在天王及其天子天女身雲化樂天王化樂天子天女身雲兜率陀天王兜率天子天女身雲炎摩天王及其天子天女身雲釋提桓因天王及三十二輔臣天子天女身雲提頭賴吒天王及天子天女眷屬一切乾闥婆男女身雲毗樓勒又天王及其眷屬天子天女一切鳩鵲茶男女身雲毗樓博叉天王及其眷屬

羅摩如經卷下 第六大攝

天子天女一切龍男女身雲毗沙門天王及其眷屬天子天女一切夜叉男女身雲緊那羅王及一切緊那羅男女身雲摩睺羅伽王及一切摩睺羅伽男女身雲迦樓羅王及一切迦樓羅男女身雲阿修羅王及一切阿修羅男女身雲閻羅王及一切閻羅王男女身雲并及地獄惡趣身雲人王身雲男女身雲童男童女身雲出如是等一切諸趣身雲聲聞辟支佛仙人身雲地神水神火神風神海神河神山林樹神穀神味神藥草神園觀神泉海神城郭神道場神夜神晝神虛空神方神道神身神日精神諸魘魅神金剛力士神步行神如是等一切神身雲普遍十方一切世界為法界等一切衆生現喜見身今時喜目觀衆生夜天從初發心所行功德積集無量諸波羅蜜次第受生死此生彼輪轉五道及其名号親近善知識值遇諸佛親近供養聞持正法行菩薩行心無罣碍得諸三昧次第觀見一切諸佛色身相好見諸佛刹

及見諸劫次第成壞得淨智慧深入法界觀察衆生知衆生海死此生彼得淨天耳次第悉聞一切音聲以聞聲故得知他心智悉知衆生心心所念無尋神足次第自在不著世間不受後有盡虛空界淨法性身修得神通淨妙報果充滿十方得諸菩薩次第法門究竟菩薩諸法門海菩薩自在勇猛精進菩薩進步猶無所畏至於正趣離生死相勝妙清淨集諸功德如意法門等一切法界等亦彼一切功德身雲亦一切智慧身雲演說法音開現教化令得歸依遍一切處亦現大道於風輪中扇動占聲示現說法令彼受持亦教利喜思惟不著地動水流海波火炎山相擊聲諸天宮城震動之聲摩尼寶殿震吼之聲天王形色鼓舞之聲龍王起雲雷震之聲夜叉乳閼婆阿修羅迦樓羅緊那羅摩睺羅伽等一切神王於十寶山種種音聲轉輪聖王及諸小王一切人衆男女音聲梵王音聲一切諸天歌頌音聲天樂音聲摩尼寶王神

珠音聲天音聲聲聞緣覺菩薩音聲如來音聲如來化身所出音聲如是等種種音聲為諸衆生分別演說喜目觀察衆生夜天從初發心功德境界難得能得一切苦行難行能行如是等行皆承佛力而得通達一切功德變化身雲於一身雲說此清淨無著法雲間無斷絕於念念中遊十方世界修於淨土復令過是无量無邊世界應受惡道苦无量無邊諸衆生等成就天人樂無量无边衆生度生死海无量無邊衆生安住聲聞辟支佛地无量無邊衆生離聲聞辟支佛地得諸菩薩不退轉行不可思議廣博喜幢自在法門於念念中令無量无边衆生住如來地

今時善財童子皆得見聞善知解了諸奇特事正念思惟觀察分別深入禪定智慧安住平等何以故與彼夜天光身同行故佛所護念故成就不可思議如幻諸善根故具足菩薩不思議根故成就菩薩諸善根故得生如來種姓家故得善知識思力故一切如來無著神力之所持故毗盧遮那佛本願力故成就善根堪受普賢菩薩諸願行故

今時善財童子得菩薩歡喜淨光明大海幢法得十方一切諸如來力得彼夜天毗羅摩伽菩薩幢法門得彼法門已深入觀察普照十方光明法海三昧

今時善財童子即起恭敬合掌以偈讚歎彼夜天曰

無量無數劫深入寂勝法顯現妙法身隨衆所應見了知群生心無明顛倒惑以種種方便度脫衆生類常淨妙法身久除諸熱惱非二亦有二度脫衆生故陰入及與界悉皆無所著衆行及色身解脫一切有不著内外法越度生死海淨明智慧光普照生死閼喜目根无者除滅諸疑惑一切樂世樂為現佛十方無尋三昧力於一一毛孔出諸化身雲心心念三昧心心念三昧力供養十方佛攝取諸衆生究竟一切法觀察諸有海業行自莊嚴演說无導道令衆清淨故相好備嚴飾猶如普賢像隨應受化者

顯現無身身
顯現無身身 第五卷 光

余時善財童子偈讚歎已白言天神
發阿耨多羅三藐三菩提心為已幾
時得此法門其已久如今時夜天以
偈答言

我念過去世 无量剎塵劫 余時有一劫
名曰寂靜音 城有轉輪王 清淨妙色身
具三十二相 八十好莊嚴 妙身圓滿幢
閻浮檀金色 光明照一切 安詳遊虛空
轉輪王千子 勇健身端正 大臣有一億
智慧慈賢明 有十億姝女 端嚴如天后
大慈悲柔軟 奉給侍大王 時彼轉輪王
常以正法治 統領諸山地 一切四天下
率國捨世榮 出家求佛道 我為聖王后
具足梵音聲 身出金色光 周照四万里
日光既已沒 中夜閑寂然 我當於余時
神瑞降善夢 聞佛出世間 号曰功德海
顯現自在力 充滿十方界 放光明網海
照一切剎土 無量自在身 充滿十方界
種種變化身 光明果報力 充滿恒河沙
遍照一切趣 大地六種動 自然出妙音
如來出興世 衆生皆歡喜 一切毛孔中
出佛化身海 充滿十方界 隨應演說法

我夢見如是 如來自在力 聞說微妙法
身心大歡喜 十夜天神 充滿虛空中
讚歎彼如來 開發覺悟我 彼天告我言
賢慧汝今起 佛已興汝國 劫海難值遇
聞此音歡喜 即見明淨光 觀察從何來
道場樹王所 我見如來身 如須弥山王
一切毛孔中 放大光明海 見佛自在力
心生大歡喜 即發初瞻願 願我如世尊
夫人覺語王 眷屬及姝女 我夢見佛光
喜樂充滿身 即時與大王 無量那由他
眷屬四兵衆 往詣如來所 我於二万歲
常供養如來 七寶四天下 一切志奉施
彼佛為我說 功德普雲經 大願海莊嚴
隨問度衆生 我發大指願 未來作夜天
諸有放逸者 志令速衆惠 余時我初發
無上菩提心 生死有為中 未曾有忘失
從是後供養 十億那由他 生死海受樂
饒益諸衆生 初佛功德海 第二功德燈
第三寶炎佛 第四豐慧智 第五天花藏
第六無尋音 第七法月王 八圓滿智王
第九寶炎佛 无上天人尊 第十日音聲
我已忘供養 如是等諸佛 十億那由他
猶未得慧眼 究竟生死海 次第復有劫

名曰天妙勝 世界名寶光 五百佛興世
初佛圓滿月 第二明淨日 第三光幢佛
四須弥山王 第五花炎海 六智慧海幢
第七然燈佛 第八天德藏 第九光明幢
第十普智王 如是等諸佛 我已忘供養
未離五陰苦 非樂生樂想 於法不生疑
亦不疑正法 次第復有劫 名莊嚴梵音
今時有世界 名蓮華燈雲 彼有无量佛
及諸佛眷屬 我已忘供養 聞受持正法
初佛名寶山 第二功德海 法界須弥幢
第四法須弥 第五法幢佛 第六地威神
第七法力佛 第八虛空慧 第九法炎山
第十照明山 如是等諸佛 我已忘供養
猶未了真實 究竟盡法海 次第復有劫
名曰歡喜德 余時有世界 名曰光功德
彼劫有八十 那由他諸佛 我已忘供養
禮敬取勝尊 初軋闍婆王 二壽命樹王
三須弥功德 第四寶眼佛 五毗盧遮那
六賢聖莊嚴 第七法勝王 第八明淨德
第九世間王 十一切法王 如是等諸佛
我皆已供養 猶未得妙智 深入諸法門
次第復有劫 名曰淨不壞 余時有世界
名普光莊嚴 十佛興世間 除无量煩惱

六二二

功德已莊嚴嚴淨諸眾生有千佛興世
無量德莊嚴除滅煩惱垢令眾悉清淨
初佛名元諱第二無尋力第三法界光
第四梵瑠王五波樓鄰天第六眾生歸
七圓滿忍燈八具足法燈九光明嚴海
第十威神王如是等諸佛我皆已供養
猶未解真法遊行一切刹次第復有劫
名曰香燈刹今時有世界名曰清淨起
一億佛興世嚴淨一切劫彼佛所說法
我聞悉受持初名法稱王二名法身海
三名勇猛頂四功德法王第五勝法雲
六名天首冠第七智契佛八名虛空力
九名普勝起十名妙德首供養彼佛已
成就八正道次第復有劫名明淨金剛
今時有世界名曰寶幢主五百佛興世
彼諸如來等我皆已供養求無尋法門
初名圓滿德第二寂然音第三功德海
四日威神王第五法最王六名須弥相
第七名法王第八功德王第九功德山
第十光明王如是等諸佛我已悉供養
我皆悉嚴淨一切眾勝道猶未得具足
究竟深法忍次第復有劫名曰勝稱音
今時有世界名曰寂靜音八十那由他

諸佛興出世我已悉供養於彼修正道
初佛號華聚第二海藏佛第三功德起
第四天周羅第五摩意藏第六金山王
第七寶聚佛第八寂靜幢第九法幢佛
第十號財首如是等諸佛我已悉供養
次第復有劫名千首功德今時有世界
名曰善花燈六億那由他諸佛興出世
我已曾供養彼一切諸佛初佛寂靜幢
第二智印王第三號百燈四功德雲王
寂靜光明王第六明淨日第七法燈王
八功德首王九天功德藏十智慧雲當
如是等諸佛我皆已供養未得無生忍
究竟諸法門次第復有劫名無著光炎
今時有世界名無量勝光有三十六億
那由他佛出如是等諸佛我皆已供養
初號普山王第二虛空王第三號集智
第四莊嚴藏第五法海音第六持音聲
第七化音聲第八化雲海九功德音海
第十妙音幢十一普威德第十二法海
十三集音聲十四功德海十五燈明首
十六寶炎首十七燈明佛十八功德炎
十九月天佛二十功德勝彼諸如來等
我皆得值遇彼兩足世尊出興於世時

我為功德天供養彼眾勝時佛為我說
莊嚴大海願陀羅尼念力皆悉能受持
我得明淨眼三昧陀羅尼於一念中
悉見無數刹出生大悲藏深入方便雲
心淨如虛空皆從夢中生始發菩提心
廣大如虛空究竟無邊際為度眾生故
盡未來際劫願求諸佛力觀察諸眾生
常樂我淨倒愚癡闇所覆煩惱起虛妄
邪見貪欲等無量諸惡業一切諸趣中
具受不善報一切諸趣中種種業受身
生老病死患無量苦逼迫我發无上心
安樂諸眾生令至諸佛所成滿如來力
滿足大願雲常見一切佛修習於正道
具足諸功德一向廣專求無量功德雲
羅摩伽三昧充滿諸法界廣大波羅蜜
聲聞十方刹一切諸佛所聞此羅摩伽
即具普賢行入淨深法界攝持一切法
成滿一切地三世方便海修習無量行
一心具佛智智慧悉通達
今時夜天說此偈已頭面敬禮一切
諸佛未舉頭頃見一切如來足下千
輻相輪逆觀如來一切相好於佛相
好中身心明了不著相好以廣大心

羅摩伽經卷下 第三十 第六

速疾聞佛五分法身者究竟一切諸波羅蜜住菩薩地盡佛法海遠離一切三世色聲香味觸法住普賢菩薩廣行究竟地圓滿清淨大境界地於一念頃普現十方無量佛刹具十法門一一法門具足無量無邊不可思議阿僧祇等諸法界海盡一切苦際皆悉深信佛子如是等種種功德我已久修信解受持具普賢行善男子今時智慧轉輪聖王劫初相續常結王位受佛種性生擇種家不斷如來善寂種性者豈異人乎今文殊師利童子是也今時轉輪聖王夫人賢慧玉女者今我喜目觀察衆生夜天是時覺寤我夜天者今普賢菩薩所變化身是善男子我於今時夜夢覺已見佛光明初發阿耨多羅三藐三菩提心發是心已於無量佛刹微塵數劫不墮惡道常生天上下在人中受諸快樂值見諸佛於其中間經无量劫乃至報應首功德如來應供正遍知所得此普光喜幢法門得此法門已亦現種種身調伏衆生隨順開

羅摩伽經卷下 第三十 第六

發皆令親近善知識若天若人及餘一切於未來世間向佛名及聞普光喜幢法門毗羅摩伽三昧名号受持讀誦解說書寫亦得超越無量佛刹微塵劫海生死之罪不墮惡道常生天上人中受諸快樂常見諸佛聞法受持終不忘失善男子我於寶光功德矣佛所得此普光喜幢速疾法門得此法門已一向專求諸善知識身心諸根歡喜悅樂遊諸方面調伏衆生令入律行善男子我唯知此普光喜幢法門毗羅摩伽三昧圓滿清淨勝光境界諸大菩薩於念念頃不離善知識深入方便智慧大海因善知識出生長養速疾法門發一切大願海於一切劫不離善根念念相續近善知識求妙功德救護衆生悉具一切普賢菩薩所行之道今時喜目觀察衆生夜天為善財童子顯現菩薩教化一切世間法門境界相好莊嚴身相眉間白毫相中放大光明名普慧炎燈清淨幢無量光明照一切世界已入善財頂充滿其身今時善財

羅摩伽經卷下 第三十 第六

童子即得毗羅摩伽圓滿三昧得此三昧已於一身充滿法界於一切地水火風微塵衆寶微塵普微塵金剛微塵摩尼珠微塵碎末微塵一切莊嚴微塵如是等一一微塵海中悉見佛刹微塵等世界成壞四大成敗相風輪水輪金剛輪地輪種種莊嚴衆山園遶無量大海諸天宮殿諸雜寶樹種種莊嚴諸龍宮殿夜叉乾闥婆阿修羅迦樓羅緊那羅人非人等城郭宮殿地獄餓鬼閻羅王處死此生彼皆悉了知諸法因果一一身中普現一切法界等身悉見一切諸佛刹土隨所應化度脫衆生業報好醜以微妙音普為說法今此法音從毛孔入令諸衆生皆得法行見一一刹及見一切世界微塵數刹見無量无边一切諸佛如來海深入善根於諸佛所住一切法界於無量佛所得無量法門越度生死遊戲神通於一一佛所自念從初發心修菩薩本行普集善根一切境界果報於一一佛所得聞諸佛所轉法輪受持不忘守護

正法以本願善根力悲見三世一切
佛海越生死流善男子諸大菩薩成
就如是無量无边諸大功德我當云
何能知能說彼功德行今時喜目觀
衆生夜天告善財童子言我以此
普光喜幢法門力故常見諸佛間無
空缺以此義故遍一切處守護佛法
盡虛空界心不疲厭云何能為守護
一切諸佛正法以毗盧遮那佛本願
力故及觀世音菩薩摩訶薩威神力
故持白寶蓮華陀羅尼呪擁護受持
讀誦行正法者今時喜目觀衆生
夜天承佛神力即說白寶蓮華陀羅
尼呪

多差他 摸利翅 波闍羅 摸利翅 賒摩
他移 毗賒摩 他移 波鵬波 檀尼翅
鷲他婆 尼翅莎呵 禪頭 音讀翅 曼頭
翅莎呵 賒俾多鉢頭摩 無至翅莎
呵 因陀羅波 尼翅莎呵 曼檀祇莎
呵 踰闍祇莎呵

若有受持此呪者不墮地獄餓鬼畜
生於現身上終不橫死不遭縣官牢
獄繫縛常受一切清淨快樂若有得

此陀羅尼者當知此人常得不離值
見諸佛亦不離聞佛說法轉正法輪
又復常得無盡清淨法音聲海辯才
印陀羅尼若有得聞此陀羅尼者具
足一切菩薩淨行必度生死海當到
彼岸

今時善財童子聞此陀羅尼已恭敬
頂礼喜目觀衆生夜天足遠無數
匝專心思惟正念菩薩圓滿淨幢菩
薩法門思惟分別觀察正受念善知
識教深入隨順善知識教時彼夜天
告善財言善男子此佛衆中有一夜
天名菩薩覆衆生威德汝詣彼問云何
菩薩學菩薩行具菩薩行修菩薩道
時善財童子頭面敬礼喜目觀衆
生夜天足諍退而行詣菩薩覆衆生威
德夜天所求善知識心無厭足即得
發起宿世善根一切境界此境界力
普見十方諸佛菩薩諸善知識威儀
庠序捨離憍慢深生恭敬所見菩薩
及善知識念念相續無有異心皆悉
歸依諸善知識彼諸菩薩從初發心
堪為法器乃至十地求善知識如我

無異常為善知識之所覆護聞善知識所說密語憶持在心終不忘失為成菩提故修一切善根莊嚴功德具諸方便皆由先世親近善知識故余時普覆眾生威德夜天普放光明此光明名調伏一切眾生律儀亦現莊嚴法門得此法門故具足相好以莊嚴身以此相好身亦一切眾生令得歡喜一一相好亦現一切眾相光明現光明已於白毫相放一切光以此光明普照一切以一切光以為眷屬此光名普智炎映羅摩伽圓滿明淨三昧境界又此光明無量无边無有涯際普照十方一切世間已入善財童子頂充遍其身於其身內悉見眾生死此生彼善惡業報皆悉現於善財身中余時善財童子即得極妙清淨毗羅摩伽三昧得此三昧時無量无边諸眾生等發阿耨多羅三藐三菩提心一切大眾皆大歡喜礼佛而退

佛說羅摩伽經卷下
癸卯歲高麗國大藏都監奉
勅彫造